

聽山亭
州



聽山亭草卷三目錄

丁未
己酉

戊申

共計五百五十三篇

丁未元旦準提庵示沙門問石

病臥東村風雪中遣人候傅司空


丁未人日過亾兄觀微舊居有感二首

次榔姪復回石子麓故居原韵二首

春日病臥東村寄山中馬習仲

喜京中人回得傅司空龔大司馬書

咏萬歲峰次李渭清馬習仲韵二首



賦得閒看兒童捉柳花

漫興四首

丁未仲春初度前入山謁大士

同在茲孫夜宿山樓

閉目觀山

嘲假風魔

二首

李著明過李立謙壁上見舊詩時乙巳季夏遇難

前三日

丁未春再和前韵感懷

漫興

贈方士李著明

語少年二首

瀘水之東舊有田廬亂後荒蕪久矣丁未仲春同

在茲孫往遊將墾治之計三年可得苗畝田三

百畝欲今在茲卜居于此予雖老病氣力未衰

加我數年尚可有成命在茲寫詩記志二首

戒吟二首

前歲過通州贈劉西水司倉

憂蝗

栽五柳于東村明日得雨二首

憂旱詩成得雨誌喜

三月朔日雨後雪農家忌之卜為凶歲余既喜且

憂作詩留驗

放言

參禪

丁未三月望日清明入山同在茲孫種松一萬

遇佃戶泥飲

種松得雨

山中懷古田舍四首

獵人送二雉戒而不食覆之寺前命曰雉塚

三月十九日午夢謁

上帝眼疾頓愈光明如常得一書有治眼方當用紅白鳳

仙花搗汁點之予異其夢記之以詩以爲後驗

柳村新墾雜詩俳體倣元白八首 守牀

村居臥病寄侯邑侯蔣明府四首

東村鑿井得泉築施茶庵其上同村鄰載酒落成

四月初一日壽宋孺人七十 孟夏朔日大霜

登超然臺謁蘇文忠有感 贈趙慧卿

贈趙裕昆先生 贈柳瑞之居士

送李渭清遊江南兼呈維揚陳憲副二首

孟夏西園同楊魯生孝廉小集二首

海上遇劉仲伸 別槎園

君如弟自黔歸偶值初度同子姪集飲

海上贈王重三處士 和王無竟石門寺詩有感

偶遊佛寺遇楚黃周玉山明府和洞庭原韻

夏日臧公三召同程子因趙玉昆在茲孫西園嘗

櫻桃三首 孟夏入山卽事四首

將往九仙書院寄姪牙佳山廬

聞馬習仲山居被訟

東園蚤起

五峰禪院訪紫林開士

閉日觀山二首

挽老農紀大

任少玉遊揚州返以詩問之四首

鴉吞蝗

鴉吞蝗

蜻蛉化蝗

閏四月十五日夜夢遇龔大司馬談及夢中事

廣文康孝廉代淄川高少宰索詩刻

放鳥自歸

寄懷巴山孫健之

春飢

贈羅太初藥室

贈張杞園李渭清遊秣陵訪周元亮歸二首

和渭清客雨四首

蓮山十景詩并序

蓮開五葉

塔湧千層

五老排空

靈龜吸海

海樓望日

石硯摩雲

露垂仙掌

月印西峰

龍眠石榻

鳳落丹山

題張杞園獨坐圖二首

悲命四首

憶子

秋悲八首

送丘柴村赴長清廣文時年七十有三予亦衰病

遠別難期作詩勉圖後晤四首

丁未中秋月

秋日山中得龔大司馬書

郭山亭草 卷三
寄淄川少宰高葱珮先生

何天章卷中見宋玉叔題贊有懷

過柳柳村新居復述舊事有感四首

懷故人張孟林淮海舊遊贈奉三兄弟二首

墮聰 黜明 丁未重陽後邀玄圃話舊四首

和淄川唐翰林遊五蓮山韵寄季白禪友

寄季白淨侶 夢兒

自秋迄冬爲太夫人合喪事竣蓋百日矣念北堂之失恃陟岵徒勞慟西河之傷心喪明無益歲

暮風雪復歸東村空館無人不堪回首把酒獨酌遂成悲吟哀不成章聊以誌感耳四首

良農苦 空館

寄兵部魏子存員外并候龔大司馬

病臥東村寄少玉論道六首

題李渭清燕磯獨眺圖二首 雲門山八首

戊申人日夜宿山樓二首

村友載酒同李玄圃偶集

聞馬習仲失山居 懷九仙書院王道士

超然臺下西園欲開館招延多士講學以娛殘年
予雖眼病而口談未倦以詩寄渭清二首

感懷 山遊回路遇員外劉西水赴青門山二首

正月十七日曾孫湯餅會喜示僑孫二首

奉酬劉員外見蒼山遊前韵二首

邀王南盧過東村時寓劉西水館中

元宵呈邑侯蔣明府 哭傅掌雷尚書十律

予以病喪明伏枕二年矣再述舊遊以代執紼

世祖欲作楊椒山樂府公薦於涿鹿馮相國奉

旨作表忠記書成未及上而

世祖賓天矣

家世

交遊

公慎重寡交獨許殷伯巖申冕盟予三人爲知己

寵遇不驕 投契 遣祭 哀絕

郭蒲臺馬習仲過訪沙村將卜居于椽谷山得求

字 喜鐸孫得于是月僑孫亦添丁口占寄賀

塾師笑 梅花禪偈二首

庚子春同范性華飲武林柴雲倩孝廉園今九年

矣遇於東武述舊有懷二首

同問石上人宿紫竹庵禪室

聞劉西水得團爐山居再酬前韵二首

丙午壽日都門謝張光祿限金石絲竹瓠土革木

八音三首

前八音詩得之亂書中再續遣懷三首

用前八音寄山中人 參禪 用前八音

老態 進酒 達觀 達化

春夜不寐戲作廻文詩倣古二首

禪堂不寐枕上口占前體廻文

咏雪蕉雙鶴廻文 歎老二首

李繪先象先兩兄弟過東武話舊

求象先為作傳 春日聽人讀史

春夜聞鴈 聽山亭雜著 聽春鳥

聽夏泉 聽秋聲 聽冬雪 聽笛

聽梵聲 聽雞聲 聽鶯聲 聽蟬聲

聽鴈聲 聽牛聲 聽蛩聲 聽樵聲

聽書聲 聽紡績聲 七十老人自壽排律

和馬習仲載酒過山為壽敬次來韵

牙佳姪過橡山壽余七旬次來韵勉之

九仙山釋子如臻種松萬樹於萬歲峰之巔因號
之曰松梵昔康熙戊申二月至橡山爲佛事因
作詩贈之卽以松字爲韵時余年七十矣四首
自嘲

劉學士奉使祭告因遊海上九仙山六絕病中次

韵寄懷 竹林峰 望海峰 萬歲峰

梳洗峰 觀音峰 清明野哭 枕上吟二首

修墓雜著四首 山中喜天章篤臣叔姪見過四

首 于曼卿過山採藥

問勞山道士說崖蜜出石竹澗 荷鋪吟二首

李玄圃作勞山道士今生二子余削髮嵩山亦復

逃禪作詩共嘲

同玄圃遊龍灣飲青玉溪石上經營新築二首

病中花月 寄吼張記園船亭二首

花下獨酌喜習仲偶至 榆錢四首

聞任少玉述郝彬如觀察詩羨其超羣幽尚卓冠

流品因次韵和之山中病廢借爲介紹

得耿隱之寄書

漫興六首

賀青州太守曲公巡歷諸邑禱雨輒應二首
立圃更字松樵以山松托之許爲護視

東園

種松

四月念日祭傅司空人回已葬矣冢君鷺來仲君
去異叔君去疾季君去偏寄字甚懇又感而爲
詩 孟夏蚤起四首

喜祥集姪入山從遊前同事浙中二首

丘龍標司理自南昌歸山中寄詩候之

孟夏移菊

命祥集姪養菊二首

野繭四首

四月念三日辰時喜慎行得子二首 灌竹二首

耿隱之山中過訪

再和隱之贈韻四首

東昌耿隱之將入山訪習仲招之同集橡谷

命山中人午日取九仙排鼓峰池內九節菖蒲二

首 酒盡 山曉 山晚 獨坐四首

山中送別耿隱之四首

耿隱之約馬習仲過山不至 看簇蠶

代蠶答

喜閱侯孫文獎之

郭山草 卷三
九
戊申端陽同立圃祥集飲艾酒

僧季白雨中過橡山舊庵舊事明空因作明字韻

閱丘海石楚村集有感二首

丘龍標自南昌司李歸惠仙茅

山園芍藥自四月初旬開至端陽後紅白未盡殘

香襲人舊竹既疎新籜爭勝或以主人還山地

氣自旺因記之以詩

仲夏自山中復過沙鶴村立先柱史墓碑

和范性華贈韻寄懷 贈郡城朱公防海東巡

強歡 夜啼 夏入西村刈麥 負心行

五月二十六日爲先太夫人誕辰失恃二周墳草

將宿昔則承歡今則隔世是用再脩生禮竝薦

新麥哀不成章以歌代哭

驅鳥行 悲來四首

西河溺愛道力未深歲月將周心傷離索悼逝者
之有情憫愛根之無盡故於悲來之後終之大
化廣以達觀用消幻想云爾四首

入城阻雨與楊魯生李彭仲渭清王闇息小集

寄李渭清時寓南山 雨中邀牛公亦不能事

愁歲 宋澄嵐先生以文事被誣得解

挽澄嵐客襯 山中遙祝蔣邑侯初度

劉木齋司李楊公含進士偶過山樓有缺展待

阻雨 雨中種竹 入山消夏二首

康熙戊申六月十七日火雲起於西北如赤血申

有雷聲須臾大雨如注霹靂交作至夜戌時地

震自西而東隱有雷聲起自地底房屋傾折牆

壁倒豎屋瓦皆飛人不能立余幸樓傾不死如

有人扶掖而出百里之內民皆露處三日地動

未已作地震詩紀異四首

地震後喜兒孫入山城中故廬傾盡時慎謀忌日

悲喜交集四首

自椽山入九仙山崩塞路峰石多裂同諸僧露宿

山頂三首 龍潭書院王道士過招二首

賦贈李松樵葛鞫

六月二十九日立秋是日風雷頓歛天地重朗

有以訖亂得鍊履大仙奉

上帝勅旨云下民造孽地震之由謹遵全經代爲訓布以
報昊天生存之恩云爾十首

北俗以帳房代屋地震後聊以效俗入房而雨至
二首

京報云七月初九日地大震民當移徙余病目七
旬待盡而已椽谷草堂可以永命同立圃共飲
自初八日至初九日天復晴朗人心少安

秋郊野哭

段道人夜過經壇醮畢卽歸時年七十有八

地震彌月又搖動不已

秋感十首

劉中丞奉使海上察民災異

自傷

戊申中秋得

聖諭地震大赦天下錢糧野臣

元賦詩誌頌二首

中秋日陰雨不止

中秋雨後見月獨臥

中秋前一夜夢龔芝麓先生同遊

勉僑孫夜讀

四首

秋日卯飲二首

山夜聞雁

銜蘆出塞

接翼排天

沙汀夜月

江海秋風

瀟湘渡雪

沙漠回春

眼病後覓牡丹栽

重陽山齋夜雨二首 重陽後一日鑄九過山中

送鑄九回海屋村 僧去招僧

臥雲閣九日落成四首 移菊

洗壁覓舊詩仍用舊韵 贈郭蒲臺地隱 秋盡

秋盡地震未已同諸友醉飲守夜得休字韵二首

醉贈松樵同宿山房得遊字韵

夜闌諸客倦臥詩成強起之再得冬字韵

夜成四律雞唱將曉再得多字韵

嵩山三空禪師過山相尋二首

殤女後寄楊魯生姻親

送嵩山三空和尚赴京化緣偈四首

挽河南宗伯薛老師寄冢君衛公都諫四首

寄國子司業程翼蒼

冬至日山中寄龔芝麓大司馬兼呈時事

敝廬 十月見北虹

夢中得子育之時仲冬廿二夜二首

耿隱之書來 贈馬維斯藥室

戊申臘朔蚤起禮佛四首 渭清自南山過訪

再次渭清題臥雲樓韵 同渭清祥集姪夜坐

山中送李渭清

膠東王逸庵侍御甲辰冊封琉球歸過東武時值

端陽縱飲達旦今五年矣其國王留余續書在

島中今焚書無存者寄詩誌感

送任仲玉赴國子司業時弟少玉候選縣令

臘盡漫興八首 天末懷人六首

歲暮懷孫健之兼寄松酒海錯四首

除夕前五日獨酌 除夕山中同立圃僑孫守歲

二首 已酉六月朔山中酌李立圃壽六首

山中懷李象先相期不至二首 黃耳蕈

悲來二首 積雨二首

七戒咏

昔張有四愁杜有七哀或困阨而抒抑鬱之情或

流離而述窮愁之感亢年逾古稀老而多難學

道未堅習氣不脫靜中生動妄想紛飛因作七

戒聊以自警云七首

六月初六日陰雨至廿五日夜復大雨二首

山中得龔大司馬手書兼惠瓊香二首

曝舊書畫 桐花 懷法穎本空二上人

送任少玉赴石樓宰 晚涼命酌村人送山鮐

戲贈秀亭醉僧 七夕雷雨二首 夜雨獨坐

為膠西冷徵君壽 丘霞標隔山送山鮐魚

己酉仲秋 寄石樓宰任少玉二首

病中寄別龔大宗伯

聽山亭草卷三 丁未 戊申 己酉

丁未元旦準提庵示沙門問石

欲去終何去。無家復有家。靜觀成返照。宿累似恒沙。遊興今方盡。窮愁老更加。安心少定法。朝夕禮袈裟。

病臥東村風雪中遣人候傅司空

殘年伏枕臥空林。千里懷人雨雪深。白髮難酬知己淚。黃金不盡故人心。天邊明月山山遠。海畔浮雲日日陰。老去自知良會少。塞鴻聲裏代招尋。

丁未人日過亾兄觀微舊居有感

亂後池塘已半非○孤墳松柏尚依依○泉乾魚涸存沙岸○
寺廢僧貧閉草扉○三尺堪憐馬鬣盡○百年方歎雁行稀○
舊時樂地今難覓○月冷山空魂未歸○
身後遺孤遇亂無○松楸伐盡半凋枯○空餘兄弟分田宅○
安得壺漿灑墓隅○石馬玉函同滅沒○秦陵漢寢亦荒蕪○
為君欲酌新春酒○古木斜陽弔野烏○

次榔姪復回石子麓故居原韻

閉門白晝易黃昏○過眼浮沉未足論○焦尾琴存餘別調○
蠹魚書化代招魂○草堂歸燕營新壘○松嶺流雲識舊痕○

安得黃金酬國士○擬將溪藻薦匏樽

十里松雲對掩扉○故林煙火望依微○客貧始識歸來是○
世亂方知去路非○栗里尚餘留客榻○柳塘仍拂釣魚磯○
愧予老病難扶杖○臥想西園雨雪扉○

春日病臥東村寄山中馬習仲

思君雨雪空岩裏○歲暮寒泉老樹間○眼病人扶難共飲○
身衰日短未能閒○愁尋舊景驚新曆○夢訪良朋到故山○
漸覺春來無住着○豐干騎虎幾時還○

喜京中人回得傳司空龔大司馬書

春寒臥病起常遲。天際懷人入夢思。千里塞鴻來有信。九霄靄鶴會無期。恒山已負投林約。淝水難忘賭墅時。惟祝太平多盛事。諸公猶許寄新詩。

咏萬歲峯次李渭清馬習仲韵

一峯孤聳萬峯朝。下有雲霞摩絳霄。帝座高懸神氣合。天門俯視斗光搖。蓮花月映蒼龍伏。仙洞春生白鹿驕。新向翠華分玉節。滄溟飛渡赤城橋。芙蓉高削劈雲門。簪笏排空遶至尊。立極自能連象緯。丹梯何處扣仙源。羣峯迴合煙霞滿。大海奔流日月屯。

我欲題詩凌謝眺。滄桑萬古一晨昏。

賦得閒看兒童捉柳花

飛絮飄搖西復東。兒童爭逐任春風。縱然捉得終無益。依舊輕拋泥土中。

漫興

得失難憑問太虛。平坡往復轉輪車。脫驂義重人難殺。投石機深禍反除。閉目左丘成國語。髡頭李贄有焚書。蜉蝣朝暮真無定。鯤化爲鵬鳥是魚。千丈游絲萬里天。三春啼鳥一聲蟬。風飄花片散還聚。

露○滴○荷○珠○碎○復○圓○渡○淺○河○枯○逢○雨○過○路○回○峰○斷○有○雲○連○
應○知○大○化○機○緣○巧○道○在○庖○羲○畫○卦○前○
百○年○何○用○歎○居○諸○閱○盡○山○川○只○做○廬○立○德○立○功○吾○老○矣○
學○農○學○圃○子○歸○歟○莊○周○夢○蝶○身○終○幻○臧○穀○亾○羊○道○亦○虛○
六○十○九○年○無○一○字○人○間○尚○恐○有○藏○書○
年○老○逢○春○不○見○春○眼○昏○高○臥○幾○經○旬○棋○中○黃○橘○藏○仙○叟○
夢○裏○丹○蕉○化○美○人○把○酒○參○禪○聊○漫○興○吮○花○作○賦○恐○傷○神○
何○勞○扶○杖○尋○梅○柳○萬○紫○千○紅○一○劫○塵○

丁未仲春初度前入山謁大士

大○士○禪○林○燈○火○微○三○年○流○放○客○初○歸○餘○生○不○盡○牟○尼○夢○
初○地○仍○尋○薜○荔○衣○夜○靜○僧○孤○遲○梵○唄○春○寒○蕨○瘦○忍○朝○飢○
松○喬○鶴○老○塵○緣○絕○鳥○鵲○空○門○噪○落○暉○

同在茲孫夜宿山樓

小○樓○松○火○夜○寥○寥○澗○道○餘○寒○凍○未○消○半○榻○禪○心○生○夜○磬○
十○年○歸○夢○落○山○樵○眼○昏○禁○足○知○天○意○老○倦○藏○頭○感○
聖○朝○未○曉○呼○燈○參○大○士○似○聞○鶴○喚○出○煙○霄○

閉日觀山

閉○日○觀○山○不○見○山○松○聲○泉○韻○兩○珊○珊○千○林○風○雨○空○中○過○

兩翅扶搖夢裏還。別後天台迷藥徑。重來秦谷閉花關。
十洲三島皆神遇。只在溟鴻滅沒間。

嘲假風魔

自稱元始謫仙人。仰面青天大笑頻。朝向瑤池封王母。
暮從東海貶劉晨。病狂罵世呼牛馬。無賴書空借鬼神。
何不將身投水火。愛錢更比舊時親。
蔡經鞭背說麻姑。常欲將身跳入壺。白日青天真怪物。
鬼心人面假糊塗。獨居暗室稱仙到。大拜當庭說帝呼。
胥捕堂前驚破膽。方知星斗是凡夫。

李著明過李履謙壁上見舊詩時乙巳季夏遇難

前三日

豈有高僧迴出塵。一條拄杖渡迷津。野雲作伴將忘我。
山鳥傳聲似應人。心遠過村尋舊好。眼昏題壁憶前春。
木雞已厭聞天唳。猶恐凌霄氣未馴。

丁未春再和前韻感懷

曾經大海愁無渡。得遇天風幸有津。亡命虞卿方是友。
逃名張儉未逢人。身驚霜雪如前世。眼暗鶯花又暮春。
難後感君留姓字。知予龍性近能馴。

漫興

一聲清磬月沉江。獨鶴歸時雪滿牕。塵念自生還自滅。禪心無住亦無降。空山夜靜聞松梵。廢寺僧殘冷石幢。每愛丹霞燒古佛。西來國士本無雙。

贈方士李著明

半頃閑田兩角牛。兒童儘可度春秋。世方賤士難為客。道不逢時莫遠遊。有藥懸壺當自足。無魚彈鋏向誰求。知君住處臨滄海。好借丹山白鹿裘。

語少年

十年多難剩殘身。垂老還鄉病復貧。

聖主尚憐歸命叟。兒童偏棄古交親。燕巢已破羣相逐。龍

性雖衰未肯馴。閱盡浮雲彈指過。何勞紅紫鬪芳春。

海內交遊浪有名。故鄉春色少逢迎。生憎盧縮稱同里。

慙媿牢之出外甥。撲棗但憑林媪意。攘雞羞與小兒爭。

老人午枕眠方熟。不聽牆頭風雨聲。

瀘水之東舊有田。廬亂後荒蕪久矣。丁未仲春同

在茲。孫往遊。將墾治之。計三年可得菑畬田三

百畝。欲令在茲卜居于此。予雖老病氣力未衰

加我數年尚可有成命在茲寫詩記志

渡橋驢背滿春風。曳杖沿溪瀘水東。舊隴田荒懸耜耒。
孤村煙冷徧蒿蓬。畝畝計歲消吾老。耕鑿隨時許爾同。
野性從來愛卜築。莫因日暮笑衰翁。
種樹編茅足樂天。飯牛負耜起炊煙。開荒或可輕徭賦。
卜宅先應試井泉。五里桑麻村接壤。四鄰雞犬屋連阡。
移家偕隱堪相就。與爾同分三百廛。

戒吟

性癖酷吟戒不休。少年至老苦相求得。詩夢覺呼妻起。

鍊句燈荒任客愁。招謗承恩開詔獄。焚書奉禁遍神州。
年來眼病煩抄寫。地下應從李杜遊。
掃盡名心不著書。編年紀日賦閒居。情緣謝絕山猶戀。
老債償完詩未除。鴻雪無心留指爪。鹿蕉隨意寫空虛。
從來焦尾知音少。傳與兒孫付爨餘。

前歲過通州贈劉西水司倉

到門偏厭客求魚。下榻先言未掃除。范甌尚容高士臥。
陶樽肯爲故人虛。官廚計斗難分俸。隙地成園自剪蔬。
堪羨忘形揮不去。一牀旅夢共蘧蘧。

憂蝗

三冬無雪春無雨。野草遲青宿麥乾。遍地遺蝗將出土。窮鄉貧戶正啼餐。已驚人事誅求急。未見天心覆載寬。積歲凶荒多倚杖。杞憂不止爲飢寒。

栽五柳于東村明日得雨

五柳開荒墅。新移未卜鄰。幸將詩祈雨。堪用酒澆春。枝發投林鳥。田招失業民。年豐饘粥足。種植不辭頻。平民多野趣。人老志猶存。不苦勞心力。非關養子孫。開田消日月。求樂度晨昏。風雨觀天意。今名五柳村。

憂旱詩成得雨誌喜

昨夜憂蝗旱。今宵雨達晨。快心非細事。得意在通神。土潤孤楊長。年豐宿麥新。老人依佛力。飲水渡迷津。

三月朔日雨後雪農家忌之卜爲凶歲余旣喜且

憂作詩留驗

春寒忽釀雨。薄暮雪霏霏。陽氣行冬令。和風變殺機。老農占歲儉。空室畏民飢。大化非人事。耕耘力莫違。

放言

枕中秘笈焚難盡。空際芝函到未曾。閉目龍蛇應五化。

聖山亭草 卷三
忘言草木得三乘。山高蔽日翻爲谷。海凍成冰欲作陵。
初學休糧調瘦鶴。何妨割肉啗飢鷹。竹林白鳥知參佛。
祇樹黃金非飯僧。舟覆馮夷爲鼓柁。文奇山鬼自張燈。
劍因埋照名偏重。璞爲知稀價始增。戲筆畫符輕逐魅。
無心揮墨偶飛蠅。反風喫酒曾消火。入月懸梯不用繩。
嵩嶽嶂頭神女栢。武夷峯上葛仙藤。銅鞭渡海珊瑚出。
鐵笛吹崖石筍崩。星斗回天頽絳節。風雷捲地啓金滕。
六丁夜取丹書去。七聖羣扶玉鼎升。噓氣成樓驚蜃幻。
點睛破壁看龍騰。金仙閬苑分梨棗。玉女瑤池贈藕菱。

天上有星留傳說。人間無甕煨周興。曾逢黃石形能遁。
縱失青囊藥可憑。煙簇九州青點點。雲迷五嶽翠稜稜。
東華醉盜王喬履。西母橫眠萼棗肱。樹老丹楓妝艷女。
風高斥鷃號神鵬。燒豬載酒尋彌勒。滴臙吞針問圖澄。
八駿放閑拋棧豆。五湖釣罷掛魚罾。葛洪井畔逢圓澤。
初祖堂前禮惠能。啄木藏身習禹步。蛛絲結網列天縉。
管城作塚坑三賦。甌脫開田守一塍。卧對青山呼酒伴。
醉聽黃鳥是詩朋。狂言欲做東方朔。踪跡從今似駱丞。

參禪

莫問南宗與北宗。參禪如上最高峯。風回古洞調馴虎。
月印空潭制毒龍。夜半雞鳴香未燼。日長人倦夢初濃。
丹霞忘相能燒佛。臨濟留僧不掛鐘。積雪磨礪終未了。
拈花擊竹竟何從。生憎梵呪音多障。怕看華嚴語犯重。
借火焚薪薪續火。因春得米米還春。迷蕉覓夢仍疑鹿。
釀蜜成甜不見蜂。八識圓通歸妙相。五燈着執鬪機鋒。
雲開月落非求指。劍墮舟行尚刻踪。木樨花開無隱爾。
黃梅熟遍始知儂。湔房未滿摩登慾。糟汁頻澆彌勒胸。
五葉蓮開香裊裊。三花種出水溶溶。宿桑未許留三日。

渡葦何曾負一筇。吞却西江難與說。寒山雪滿對孤松。

丁未三月望日清明入山同在茲孫種松一萬

老人種松因好奇。旁人皆笑老翁痴。眼昏頭白七十歲。
鹿尾三寸終何爲。拄杖自往深山裏。三十年前種松子。
風吹雨濕長兒孫。接嶺連山密如指。憶昔買山五十年。
空山濯濯若一拳。至今喬木遍山谷。松花滿地生雲煙。
人生樂事在謀始。享受何必皆長年。呼童移松根帶土。
荷鍤提筐遍山塢。想見松根化作龍。安知老子非彭祖。
達者作事多曠觀。古往今來誰是主。

遇佃戶泥飲

田家美風日○春雨清明至○野坐具筵席○羅列如城市○我
 病偶出遊○山門如佛寺○昨日奉準提○開齋想新味○大士
 真慈悲○使與酒人遇○遠聞笑語喧○主客已半醉○借我園
 中亭○兒女成嘉會○忽驚主人來○却走欲趨避○平生喜野
 人行樂○不擇地○遂許共成歡○嘗汝新酒味○眾客欣再聚○
 豆觴無次第○自言女新婚○羊禮成姻契○草草待賓媒○主
 客三十輩○房小借空庭○饌粗無佳製○松下設獨席○倏忽
 數十器○山泉釀既香○水陸味復備○鹿脯與醢羹○北京舊

廚役○飴糖蒸米糕○大官烹無異○滿志雖大嚼○使我驚且
 喟○去歲值蝗旱○春雪復傷麥○比屋正啼飢○上司催完稅○
 田○父○學○公○卿○珍○錯○羞○粗○糲○暴○殄○與○僭○奢○篋○禮○不○知○罪○薄○
 俗○竟○成○習○荒○年○反○狼○戾○天○道○安○能○容○猶○恐○逢○凶○歲○

種松得雨

南山出雲煙○縷縷昨日種松○今夜雨○山靈愛山喜我至○
 故灑松根帶濕土○鹿尾離離不改青○龍髯落落何年古○
 須防野火護新條○更為牛羊及樵斧○種者甚易守者難○
 戒今兒童頻看取○不憂歲暮多雪霜○但恐時移變陵谷○

加我十年可作林卧聽松風青謾謾

山中懷古田舍

茫茫太古風灑灑淳龐氣于何窺元始古史存大意緬
想三皇前懷葛亦云逝民生如枝鹿飲食忘名利聖世
民反愚亂世民多智循環無了時生殺成運會田家關
治亂憂樂可觀世

芄芄田中禾陰陰牆下桑太平少徵稅化日舒以長雞
犬聲相聞巷陌多牛羊鄰里無喧爭吏胥不下鄉關門
夜不開千里無齋糧老人多黃耆穉壯少夭傷夜行不

逢盜安知兵與荒

古風日已遠歲行日已短自我爲童時至老分中晚神
宗屬明季我年未弱冠斗米十餘錢尺布不及半牛馬
以斗糧蔬肉如土賤老人經百歲自言未到縣及今六
十年中值荒與亂物力漸漸空天道時時變說與諸少
年反以爲妄誕百憂安可極相看淚如霰

種田望豐歲種樹當及蚤我買此山時倏忽少至老平
地開田廬夾澗剪榛篠明末風尚淳官清徭稅少讀書
帶耕作遊賞盡花鳥村門夜夜開自酉至于卯安知逢

世難轉眼成枯槁。舊林半剪伐。焚書無遺草。扶杖強來遊。後期安可保。懷古卜冥棲。藏形在物表。

獵人送二雉戒而不食覆之寺前命曰雉塚

雉塚因何名。憐其爲我傷。野人愧徒手。挾雉登我堂。自言無以獻。晨起持火鎗。空山寂無人。雙雉鳴且翔。求牡方朝雉。彈射安能防。賦性旣耿介。毛羽多文章。周哀稱華虫。尼父咏山梁。飲啄不害物。豈慮庖廚殃。安知色斯舉。忽焉值不祥。離披錦尾墮。燦爛毛血張。果報在何許。佛理安能詳。偶與殺機觸。可以喻善良。狡兔方爰爰。鷹

鷗盤空颺。天地非不廣。安危詎相當。我方奉禪戒。見之淚盈眶。呼童爲覆土。瘞于佛寺旁。悠悠造物心。賢達固難量。

三月十九日午夢謁

上帝眼疾頓愈光明如常得一書有治眼方當用紅白鳳

仙花擣汁點之予異其夢記之以詩以爲後驗

午夢赴昊天。玄穹謁清廟。肅然對冕旒。雙眸炯開照。障翳豁然消。方書得秘要。紅白鳳仙花。點汁可通竅。去我愚痴暗。扶我精光耀。安得化方瞳。登高恣遠眺。

柳村新墾雜詩俳體倣元白

野田新墾半荒沙。卽有鄰人來種瓜。相地度泉先浚井。
隔村築屋欲施茶。餽牛最喜逢春雨。布穀偏宜噪晚花。
莫問太平歌帝力。老農原不計年華。
瀘河東畔是魚磯。細草平沙白鷺飛。性喜幽閒逢世變。
老多疾病與心違。開田積日餘三畝。種柳何年大十圍。
長羨古人頻寓興。買山不問躡鴟肥。

陶令門前五柳新。草堂初築四無鄰。參禪我愛王摩詰。
任俠人扶杜子春。鴉逐耕牛啄宿麥。犬隨餉婦吠遊人。

落花滿眼渾難見。付與東風陌上塵。

一犁新雨潤平坡。童子來催買笠蓑。百歲生成隨燕社。
三農哀怨付牛歌。驚回風雨晴時少。閱遍春秋亂日多。
自是

聖朝容逸老。太平擊壤頌熙和。

性癖耽佳老不除。雕蟲小技未能虛。故山有志難藏史。
大海無舟枉羨魚。米芾情痴因潑墨。卓吾名重爲焚書。
當知李杜文章在。何似蘧蘧夢草廬。
過眼浮雲白晝昏。日長高臥掩柴門。無端插柳學爲圃。

偶爾畱田欲作村。舊境再談如說夢。新詩纔就悔多言。
也知老去參禪好。樂此忘疲至性存。
臥遊閉目稱天放。知止投閒號四休。欲採仙芝尋角里。
偶從蝶夢遇莊周。生憎學道成捫籥。新喜題詩效打油。
聞道春山花事盡。隔林鶯語莫牽愁。
飛絮遊絲又一時。鳩啼鶯語各相知。稚兒最喜能通史。
山鬼何來解賦詩。海上仙翁留藥晚。天涯兄弟寄書遲。
每聞風雨空惆悵。隱几懷人有所思。

守牀

永日如長夜。支龜靜一牀。墨池冰守黑。玄海月生光。鳥
宿忽驚曙。螢枯但括囊。空青無處覓。墮黜是良方。

村居臥病寄侯邑侯蔣明府

東武城荒兵火餘。民殘土瘠半丘墟。神君撫字多仁術。
聖主蠲租有赦書。冰鏡須防燭竈蠹。膏霖誰潤旱枯魚。應
知召杜憂時切。莫爲前人受覆車。

聖朝民物自康熙。新政如春草木知。酬國當息憂國切。愛
民常爲救民悲。時因多事心常苦。歲以頻荒力不支。曾
向惠安甘自免。野人和淚寄新詩。

帝命焚書許放還。天教閉目不開關。老來租賦因貧累。赦
後詩文待醉刪。自愛急公頻鬻產。豈因謝病敢投閑。使
君如訪柴桑令。遵海而南游故山。
閉門日日頌堯天。邑有循良賴自全。虛負文名驚帝座。
漫邀綸綍反星纏。杜陵久客鄉情惡。彭澤孤貧州將憐。
老病自慚干謁少。芻蕘欲獻恐招愆。

東村鑿井得泉。築施茶庵其上。同村鄰載酒落成。
鑿石通泉潤一村。施茶汲井路當門。無勞九軻能烹茗。
不速三人各抱尊。平地爲山開草昧。因時插柳創籬垣。

又聞野水宜渠。沿欲作蓮塘。種竹孫

四月初一日壽宋孺人七十

孟光七十對銜杯。難後稱觴喜復哀。末世兒孫輕怙恃。
當年齒髮已衰頽。莫嫌歲月愁中老。且惜流光去不回。
我病眼昏君病足。兩條拄杖笑成堆。

孟夏朔日大霜

昨宵雷雨兼冰霰。孟夏清和復大霜。柳眼纔青忽作粉。
梨花一色不成香。三秋望遠春無麥。積歲貧飢野有蝗。
半夜呼盧驚起坐。聊書災異識陰陽。

登超然臺謁蘇文忠有感

穆陵霸氣尚縱橫。臺畔遺文記典刑。物有可觀皆可樂。人能超世始超名。舊河沙岸翻爲谷。官署歸鴉不入城。我著瓶梅君詠檜。古今分謗媿先生。

贈趙慧卿

野外少佳士。感君意氣真。奇文堪共析。濁酒不辭頻。煙柳衡門近。溪橋栗里鄰。忘年唯爾汝。文采莫言貧。

贈趙裕昆先生

士習成澆俗。平交少素心。元方多道氣。叔度具清襟。長

日聽歌咏。春風鼓瑟琴。知吾懷福淺。靜對得幽深。

贈柳瑞之居士

二晉多英傑。移居遂作家。牆鄰彭澤柳。田種邵平瓜。好客迎三益。呼童讀五車。老人求酒伴。村路不爲遐。

送李渭清遊江南兼呈維揚陳憲副

山城春柳未聞鶯。四月江南送爾行。官閣梅花留賦客。廣陵芍藥識詩名。陳遵好士能投轄。王粲登樓莫望京。爲寄故人知我老。眼昏頭白少逢迎。倦遊身老笑焚書。白眼投林歎索居。送客情深千里外。

新山亭草 卷三
懷人詩寄十年餘白門柳色空啼鳥采石潮聲散釣魚
載酒誰能知問字六朝詞賦讓相如

孟夏西園同楊魯生孝廉小集

西園臺榭枕城斜野水浮橋似斷槎荒草舊留松逕月
短牆新護藥闌花柳塘春盡聞啼鳩芸閣塵生散暮鴉
曾是少年游息處紫薇雖老更芬華
滄浪舊是讀書處柱史先人有敝廬華表化身曾夢鶴
濠梁同樂始知魚百年喬木經風雨三徑閑園老櫟樗
衰病倦游當秉燭花前莫放綠杯虛

海上遇劉仲伸

海客相逢各問年向人休說舊山川誰能肝膽酬劉毅
安得江湖識鄭虔昏夜投珠應按劍水寒垂餌自回船
羨君矍鑠雄心在白眼看人不受憐

別槎園

秦皇駐蹕巡遊處舊卜漁村待海槎泛斗徒瞻星似水
求仙未遇棗如瓜猶龍西去知時變衰鳳東歸歎日斜
蝸角蜃樓真是幻別尋玄圃種梅花

君如弟自黔歸偶值初度同子姪集飲

萬里歸來似有期。奔馳憂患各離奇。回頭甲子須臾事。瞥眼江湖去住時。海屋偶逢眉壽酒。天涯誰贈草堂資。百年醉笑非容易。衰世家門好自持。

海上贈王重三處士

山海逢君鬢髮蒼。老人相對意偏長。居鄉轉覺人情薄。禁海方知魚味香。百畝石田憂租賦。幾家燈火借書囊。何緣龍骨昂藏甚。或有仙人碎穀方。

和王無竟石門寺詩有感

詩人常憶謝玄暉。身後青山失舊扉。鶴夢不歸阡樹冷。

草堂無主海峰圍。奇文衰世無平等。幽憤多才有是非。佳句空傳終滅沒。石門松火望依微。

偶遊佛寺遇楚黃周玉山明府和洞庭原韻

參禪閉目學書空。楚客相逢意獨雄。瓜步笛牀人未識。竹林鍛竈刺誰通。感懷獨有元龍氣。破浪堪同宗慙風。自是胸藏雲夢澤。文光吐出劍如虹。

夏日臧公三召同程子因趙玉昆在茲孫西園嘗

櫻桃

煙樹相連五里原。隔林招飲過文園。閒尋麥隴田間路。

近聽鶯聲柳外村。紅藥滿闌開社酒。朱櫻遶屋薦盤餐。
感君不厭忘年叟。策杖追隨古道存。
春盡無心賦落花。空齋高臥惜年華。南山有豆思逢歲。
東海無魚不泛槎。鄉老喜談前代事。太平常羨野人家。
荒村鳥雀投林晚。驢背扶歸日又斜。

孟夏入山卽事

蚤起因聽鳥林光。向曙開入園羣雀喜。似爲主人來樹
密啼鶯滿花遲。舞蝶催老夫無酒伴。卯飲已三杯。
綠樹新週嶺花紅。已滿園。故山餘病叟。芳草閉禪門。鵲

乳櫻桃盡。蠶眠柵葉繁。三年如夢到。期不負初言。
病眼看花日。回頭種樹時。飢僧頻乞米。啼鳥似催詩。參
佛聞鐘晚。求仙採藥遲。百年行樂地。喬木付諸規。
花氣靜能入。松風夢裏聞。林深多異鳥。谷冷臥閒雲。老
厭登臨倦。貧嫌歲月分。題詩聊度日。不是好奇文。

將往九仙書院寄姪牙佳山廬

羨爾幽居僻。因山竟作家。前人留石室。此地足煙霞。野
繭錢能得。村篋酒可賒。偶來尋小阮。莫惜飯胡麻。
聞馬習仲山居被訟

學道能逃俗。藏身不離禪。丹成驚鬼魅。琴定亂螿蟬。山雲不礙鳥。石火自生蓮。但作叅方去。無妨涉大川。

東園蚤起

東林西林鶯亂啼。山人蚤起聞山雞。野蠶簇簇將作繭。乳燕喃喃猶巢泥。身過花間沾翠雨。路行雲裏杖青藜。羸糧載酒南山去。直下蓮山到虎溪。

五峰禪院訪紫林開士

祇園何處覓。手種萬松林。不作有為法。應無所住心。到門分一鉢。布地剩千金。糟汁尋彌勒。堪同蓮社吟。

閉目觀山

閉目觀山興。太孤猶如海市想。蓬壺不從眼底開。天地只在胸中列。畫圖海色嵐光收。沆瀣花香雲影入。虛無年來五岳遊。將遍免向人間問道途。夢入華胥一出神。溟鴻盡處是蒼旻。誰開白鶴青霄路。欲覓玄珠赤水津。海嶽風雲天外影。寰區人物鏡中塵。濠梁久識觀空法。貫蚤能通大似輪。

挽老農紀大

橡山老農開山叟。自我買山隨我久。結茅種樹四十年。

短鋪長鑿不離手○平生性朴不辭勞○窮餓不知乞○升斗○
種果移松難記工○壘石開園惟恐後○臨溪常事捕魚鰕○
遶屋爲吾種桃柳○亂後流移去者多○獨住窮山稱善守○
藜藿經年每斷食○鶉絮遮寒不蔽肘○手種青松今數圍○
身貧子弱仍依舊○憶昔買山爾少年○今歲我年六十九○
三子一僧二作農○施汝一棺知我厚○爾子能孝自作墳○
我有挽歌奠以酒○百年同志無賢愚○吁嗟老紀真吾友○
任少玉遊揚州返以詩問之

馬上春風客興濃○江南花月水溶溶○胡牀新識客吹笛○

經閣知名莫賃春○何處腰纏迎跨鶴○誰家下榻喜登龍○
別來一枕揚州夢○欲釣雙魚未敢從○

任公垂釣欲何之○夜靜江寒月上時○投餌空憐溪鱖美○
臨淵反使海鷗疑○廣陵芍藥誰相贈○官閣梅花未可期○
不及閉門閒讀史○人情閱盡怨歸遲○

前年避地遊河朔○千里依人走大梁○漫有兔園工作賦○
從無鷗社得傾囊○杜陵客久詩嘗苦○李白才高酒太狂○
未見郊迎薦雙璧○王孫原自重壺漿○

臨邛留客得相如○一賦千金禮未虛○自是燕臺非好馬○

莫言齊館但求魚。連城壁重人方貴。照乘珠投遇反疎。道不逢時非慢世。何妨興盡蚤回車。

鴉吞蝗

天降嘉種。反生蝨賊。致災維人。暴殄天德。以茲暴殄。乃減其食。帝命神鴉。量災而止。以口戕口。上帝孔邇。

鴉吞蝗

惡種既蕃。戒民之貪。上帝好生。粒食孔艱。神鴉何來。集於高原。賜我來牟。民宜勉旃。

蜻蛉化蝗

蜻蛉小虫。化物以聲。以聲為胎。傾刻肖形。上帝憫蝗。使化蜻蛉。化化不一。各安其生。惟茲庶類。相制以氣。自有而無理。無巨細。良苗懷新。吼歌帝力。

閏四月十五日夜夢遇龔大司馬談及夢中事

尊天修淨業。報國願豐年。道人無惡夢。豈有愁苦纏。

天王方聖明。元輔皆大賢。山中臥病叟。安得與周旋。夜夢

逢芝麓。綸綍有重宣。皇皇多踟躕。相視無別言。復有三

五人。去住不得專。時事亦孔棘。高位恐招愆。每懷國士

恩。恒慮重累牽。今春接手字。諄諄勸歸禪。山海隔千里。

雙鯉何時傳

廣文康孝廉代淄川高少宰索詩刻

國門一炬墨煙青海內焚書禁識丁八索不傳倚相史
百年方註太玄經龍文破壁餘光怪鴈字排空去杳冥
為報

聖恩販貝葉老來閉目學逃形

放鳥自歸

解網存天性開籠適物情羽毛悲瑣尾鷹隼正縱橫色
舉防多難投懷感至誠山林無善地豈愛向人鳴

寄懷巴山孫健之

高臥空林晝亦陰天涯迷路少追尋快書焚後成盲史
請室歸來罷苦吟夢裏故人稀見面眼中時事屢驚心
不堪閱世年同老酒力誰能較淺深

春飢

百年悵悵欲何之芳草柴門臥起遲身病更逢多難後
春飢偏遇破家時隔鄰乞米分僧飯伐木為薪接婦炊
聞道催科新令急旱蝗滿野老農悲

贈羅太初藥室

僻○隱○城○隅○世○莫○知○名○山○採○藥○老○相○隨○韓○休○行○道○能○逃○俗○
李○廣○成○功○善○用○奇○七○日○龍○蛇○參○朮○化○千○年○雞○犬○鬼○神○疑○
從○君○欲○問○懸○壺○術○赤○水○玄○珠○未○可○期○

贈張祀園李渭清遊秣陵訪周元亮歸

蕪○城○煙○月○秣○陵○山○何○處○堪○客○二○仲○攀○當○日○古○人○誰○許○似○
於○今○交○道○不○如○聞○江○南○詞○客○周○郎○狡○河○北○名○流○季○布○顏○
自○是○醉○翁○非○為○酒○剡○溪○乘○興○放○舟○還○

揚○州○鶴○化○武○昌○魚○罷○釣○歸○來○復○著○書○飛○絮○落○花○春○寂○寂○
啼○鶯○舞○蝶○夢○遽○遽○蔣○公○逕○有○蓬○蒿○客○馮○館○門○無○油○壁○車○

莫○向○勞○勞○亭○上○望○煙○波○渺○渺○獨○愁○予○

和渭清客雨四首

送○別○經○春○莫○南○歸○梅○雨○時○途○長○人○意○改○岸○轉○客○舟○移○覓○
友○來○江○寺○尋○山○過○野○籬○雨○聲○堪○對○酒○橫○笛○晚○風○吹○

芳○草○春○歸○日○江○南○花○正○開○釣○竿○隨○意○往○柔○櫓○莫○空○回○山○
色○遙○難○定○江○聲○夜○易○哀○王○孫○漂○母○少○且○上○子○陵○臺○

久○欲○從○君○去○安○知○君○卽○歸○無○媒○憐○徑○草○有○客○典○征○衣○夜○
宿○同○鷗○聚○江○行○羨○鰕○肥○客○遊○多○不○耐○自○與○世○相○違○

六○朝○遺○舊○土○文○俗○日○荒○淫○金○粉○雕○王○氣○江○山○傷○客○心○渡○

頭桃葉冷巷口夕陽沉莫問秦淮水高蘭意已深

蓮山十景詩并序

東武有九仙東坡題曰九仙奇秀不減鴈蕩其東為五朶峰青嶂壁立其峰有五明神宗時蜀僧心空住錫於此敕建為寺改名五蓮其高足金公復劔大之遂為海上名山因修誌徵詩紫林開士以十景詩來屬予和之予既皈依以詩代偈

蓮開五葉

插天湧翠海東濱曾有羣仙謁玉真廬阜開山成淨土

蓮峰卓錫有前因金莖近接千秋露玉井遙通萬里津莫向法華舌上轉白毫光裏五花新

塔湧千層

峯堵凌霄映海明浮屠七級竟誰成羣峰拱列環天柱萬笏排空擁太清月作佛燈當戶照風吹靈鐸隔林鳴竿頭欲步無由上惟見白雲足下生

五老排空

廬岳飛來五老仙峰頭遙望各爭先居然扶杖行相顧未肯離羣斷復連風雨千年形不改滄桑萬劫貌常鮮

欲呼石丈招難至月照空堂影自懸

靈龜吸海

石化靈龜首自昂相傳吸海引波長當時島嶼皆通水
此日風濤轉戒航蜃影樓臺成夜氣秦橋丹藥散天香
年來鼇背無多力莫使桑田汎巨洋

海樓望日

指點扶桑鏡裏收峻嶒石壁自登樓半泓碧海諸天曉
萬里銀河一線流變化劫塵成巨浸浮沉今古任虛舟
歸來臥看禪牀月不種梅花香自幽

石硯摩雲

千樹松陰萬壑煙方臺如硯自天全擬將鳥跡雲爲墨
似有龍光鍊更堅文遇劫灰天亦秘書逢絕筆鬼難傳
不勞雕琢成完璞好付逸民魯仲連

露垂仙掌

建章宮裏仙人掌飛渡靈岩海上阿沆瀣漸乾天少露
星河欲涸夜無波菩提甘露時相濟楊柳醍醐世外多
九品蓮花清澈底同食金粟飲松蘿

月印西峰

海上羣仙白鹿車。桃源雞犬是秦餘。夜深鸞鶴雲來近。
林靜星河月上初。岩室僧歸聞梵貝。澄潭鳥過入空虛。
晨光欲動鐘聲起。霜滿空山落木疎。

龍眠石榻

仙人來往原無跡。石榻留雲臥有形。七聖神遊天不夜。
六龍飛轡海難停。晴霞倒影能爲幕。海色嵐光自作屏。
欲向希夷求蜚法。大千世界總冥冥。

鳳落丹山

朝陽鳴後海天孤。何處高岡有碧梧。五色翬飛來彩鳳。

九苞留影伴啼鳥。欲同龍象分靈瑞。可竝龜麟應帝符。
一自岐山成羽化。扶搖無用羨長途。

題張杞園獨坐圖

問君獨坐緣何事。閉戶空園春草生。三逕蓬蒿庭不掃。
一編風雨榻常橫。避人轉覺爲心累。學道方知與世平。
自是無求能澹足。落花啼鳥不關情。
名園獨樂卷中收。我亦高齋效臥遊。五岳夢中成秘契。
百城篋底足冥搜。心空落木秋深處。目斷歸鴻天盡頭。
何用買山重卜隱。一胸雲壑是丹丘。

悲命

獨臥悲時命。空林掩半扉。僧孤憐月冷。鶴去怨松稀。佞
佛工無益。歸山志已違。老牛猶舐犢。雙淚不停揮。
每謂參禪易。方知斷愛難。熱腸何日冷。老淚幾時乾。病
果因風落。秋蟬叫露寒。浮生隨大化。日暮且加餐。
出門何所逞。老志不如人。日月籠中影。乾坤夢裏身。長
沙悲鷓鴣。西郭狩麒麟。數常相反。無勞問鬼神。
白日生哀樂。百年行未休。人間多失意。地下豈埋憂。庸
俗忌猜忌。文章起怨尤。須臾消甲子。天地一虛舟。

憶子

半夜呻吟苦憶兒。夢中握手却成悲。不堪回首河梁路。
驢背追隨誦父詩。

秋悲

衰不禁憔悴。秋來倍感傷。寒蟬猶噪野。雛燕已辭梁。人
老無長策。身殘少樂場。終宵常不寐。半夜起徬徨。
落寞秋容靜。孤雲何所歸。斜陽照里巷。煙雨冷林扉。久
病禪心倦。長愁酒力微。吾衰憑大化。行樂志多違。
遣愁向何處。秋色滿空山。葉病霜先脫。雲輕夜不還。幾

人○能○娛○老○無○法○得○投○閒○搖○落○歌○無○益○離○騷○亦○可○刪○
孤○鴻○鳴○斷○緒○相○失○怨○離○羣○影○滅○終○難○見○聲○哀○似○有○聞○風○
霜○千○里○共○關○塞○一○時○分○聚○散○同○人○事○浮○生○安○足○云○
逝○川○不○可○返○夕○日○照○津○梁○草○木○嗟○黃○落○龍○蛇○競○退○藏○才○
人○無○甲○子○蒙○叟○笑○彭○殤○閉○目○觀○朝○槿○蟬○蛸○安○足○傷○
之○子○遊○仙○去○白○雲○不○可○求○安○知○天○上○樂○不○勝○世○間○憂○瘦○
骨○黃○金○變○精○光○白○日○留○千○年○渾○淡○漠○何○用○賦○悲○秋○
秋○原○聞○野○哭○獨○樹○起○孤○煙○宿○鳥○歸○何○急○寒○蟻○斷○復○連○林○
空○風○落○栗○池○渴○雨○侵○蓮○白○露○東○籬○下○黃○花○剩○可○憐○

明○月○出○天○末○懷○人○各○一○方○死○生○成○契○闊○江○海○正○蒼○涼○心○
遠○憑○何○寄○憂○來○未○可○忘○兼○葭○隔○秋○水○蘇○李○在○河○梁○

送丘柴村赴長清廣文時年七十有三予亦衰病

遠別難期作詩勉圖後晤

青○衫○白○髮○笑○同○官○歲○暮○猶○息○戴○鶡○冠○學○割○尚○能○分○祭○酒○
染○鬚○切○莫○效○寒○黏○高○談○驚○座○心○空○熱○老○病○臨○岐○骨○已○乾○
櫻○下○何○人○問○奇○字○新○詩○蚤○寄○勸○加○餐○

少○年○學○道○問○長○生○好○古○違○時○少○世○情○欲○覓○丹○砂○尋○大○藥○
安○知○白○首○逐○浮○名○山○林○氣○重○文○難○售○田○舍○心○多○志○易○輕○

滿眼兒孫皆玉立。蚤歸莫悞北村耕。
落日秋成枕漫支。到門偶爾慰相思。老人苦別傷心後。
遠宦難期見面時。駿骨何須酬苜蓿。豬肝無用失鬚眉。
應防路鬼椰榆笑。月冷江寒返棹遲。
知君自愛出門遊。不爲求魚上釣舟。曾向吳閭觀白馬。
誰能函谷識青牛。鄭虔面瘦畏官長。陶令腰強避督郵。
羨爾平生多月旦。夕陽山色莫淹留。

丁未中秋月
甲辰中秋在何處。燕山夜宿禪林寺。乙巳中秋在何處。

侯門醉臥周村肆。秋風千里驅征車。避地畏人潛姓字。
風送爰居過魯門。雲飄蓬梗遊梁市。嵩洛藏名冬及春。
扶兒杖策祇三人。薛家兄弟傳新。

赦。河上迴車問舊津。地轉天回歌。

聖主入門垂淚拜慈親。安知未脫樊籠難。檄書更索都門案。
是歲中秋復入都。買魚沽酒天津岸。梁獄上書幸瓦全。
脫驂諸老多垂盼。解網方知獄吏尊。焚書始信文章賤。
丙午中秋返故園。高堂永訣失慈萱。淚血染衣雙眼暗。
家緣懸磬一身存。今年丁未復中秋。一慟西河淚不

收百憂歷盡無生氣。十載流離始盡頭。回頭總計關山月。燕魯齊梁竝吳越。九死重生病乃甦。萬里歸來淚流血。何處高歌明月樓。何人痛哭清秋夜。未卜來年月與人。再問陰晴與圓缺。

秋日山中得龔大司馬書

春風將錦字。秋鴈得來書。骨瘦空憐馬。江寒尚念魚。何時青眼照。相對綠樽虛。欲寄愁心去。離羣歎索居。

寄淄川少宰高葱珮先生

淄水春風賦。晚蘭十年離緒失。琅玕歸來共道投林好。

老○去○方○知○出○世○難○。奇○字○生○煙○羞○化○鬼○。名○山○採○藥○羨○成○丹○。自○憐○愁○病○參○禪○偈○。曾○寄○新○詩○到○杏○壇○。

何天章卷中見宋玉叔題贊有懷

十年漂泊恨秋風。搖落天涯歲月空。錦字一行懷宋玉。幾人相憶在江東。

過柳柳村新居復述舊事有感

握手從遊三十年。風波歲月事多遷。千重閩海能先達。幾處干戈獲共全。白首來尋沽酒社。青門喜得種瓜田。羨君獨遂漁樵樂。老病傷心盡日眠。

海鳥溪雲共結鄰。門前流水隔風塵。賣刀買犢能甘隱。
插柳條桑不厭貧。俠氣漸消學拙守。危途歷盡得闔身。
知吾衰老猶耽酒。親向漁村理釣綸。
琅邪臺畔枕斜陽。海市漁村已半荒。仗劍舊從屬國節。
掛冠曾附武夷航。歸來擊筑心猶壯。別後聞笳鬢已霜。
誰向燕臺憐老駿。與君重說少年場。
老人眼病無遊興。訪舊重尋海上槎。田舍荒蕪新換主。
漁樵流落半移家。空勞貧族供魚蟹。爲念殘年送酒瓜。
故里尚存彭澤柳。江湖義氣說天涯。

懷故人張孟林淮海舊遊贈奉三兄弟二首

村鄰蜃市半陰晴。曾向沙鷗共結盟。草滑驅獐明獵火。
灘平拾蚌聽潮聲。舊詩尚記新泥壁。濁酒難忘海蟹羹。
一別十年如夢寐。兒孫滿眼媿狂生。
安從江海覓狂夫。老去常懷舊酒徒。角飲每輸分石斗。
逃形遙憶隔蓬壺。二勞有約空拋杖。五嶽從遊枉負圖。
梁月百年成永訣。夢魂猶在海東隅。

墮聰

無端忽自笑。春去未聞鶯。琴瑟何勞奏。雷霆不敢驚。農

雞多失曉塞雁久無聲。天籟收藏盡。沉沉太古情。

黜明

萬古竟長夜。如遊混沌春。山川成罔象。花鳥幻前身。到口方知味。聞聲始識人。韜光還太始。無用累浮塵。

丁未重陽後邀立圃話舊

同難安知相見期。岱雲濟水下船時。蘆中迷路人潛渡。月落開關客去遲。作檄陳琳能不死。奏書樂布竟無疑。聖朝解網多恩澤。海內猶傳贈別詩。

逆旅途窮贈寶刀。臨岐沽酒醉牢騷。望雲夢斷家難返。

隔岸舟行路已遙。霜冷雞聲啼野店。月明人影渡危橋。堪憐別後傷心事。更比離羣魂暗消。

孤山松栢意何深。傲雪凌霜自作林。白首易拋知己淚。黃金難買歲寒心。懷人每念高陽客。抱病猶爲梁甫吟。短髮蕭蕭應共醉。東籬殘菊不堪簪。

四面青山一薜蘿。羨君滅跡隱巖阿。參禪夜靜聞僧梵。採藥林深聽鳥歌。

恩放歸來詩禍少。衰殘重見酒悲多。還期再結南山社。鼓腹康衢詠太和。

和淄川唐翰林遊五蓮山韵寄季白禪友

海上仙踪夢已遙○難從雙鯉訪琴高○問桃漁父將回棹○
鞭石秦人久斷橋○岩室傳燈懸夜月○佛樓望日送歸潮○
應知太史題詩處○石洞雲香墨未消○

寄季白淨侶

十年問道欲參空○瓢笠依然寄海東○自是神龍遊沆瀣○
安知孤鶴老樊籠○雲隨破衲千山月○江送浮槎萬里風○
不住椽山住蓮嶠○化城仍在一壺中○

夢兒

季子已殞歿○情根未得忘○五更三入夢○一日九迴腸○遠○
去○疑○將○返○思○歸○影○尚○望○招○魂○竟○何○益○生○死○理○茫○茫○

自秋迄冬為太夫人合葬事竣蓋百日矣念北堂
之失恃陟岵徒勞慟西河之傷心喪明無益歲
暮風雪復歸東村空館無人不堪回首把酒獨
酌遂成悲吟哀不成章聊以誌感耳

病臥經年不啓關○秋來霜雪倍彫顏○餘生送母歸先隴○
夜○夢○尋○兒○到○故○山○月○落○啼○烏○棲○未○定○雲○飄○孤○雁○幾○時○還○
奇窮歷盡天難問○濁酒新詩帶淚刪○

靜裏觀天度紫霄。赤城何處問仙橋。莫言生死身爲幻。
已覺彭殤路不遙。惡夢乍從啼後醒。情緣難向愛中消。
始知學道無歸着。十載參禪枉自勞。
百歲光陰半辟繡。栢舟常伴夜啼烏。茅容奉母藏身易。
溫嶠絕裾入世麤。總帳白雲貽絡緯。草堂殘日下桑榆。
生還面訣由天幸。七十披麻淚已枯。
巢成雛燕辭秋去。霜淨空林落葉哀。蕙有靈根偏易折。
梅多異格不容栽。浮生有盡魂當合。冥路難期夢不來。
報汝三年奔走苦。南山松栢共泉臺。

良農苦

良農記歲功。終歲無暇日。半夜起飯牛。呼兒種蚤麥。兩
早識天時。苗畝盡地方。婦餉子荷鋤。日午汗浹背。冰雹
與蝗蝻。三年不逢歲。忽然值大有。米谷恣狼戾。縣尹催
春糧。正月逼完稅。斗粟錢數文。揭債利十倍。貧農經歲
勞。祇爲富者益。歲荒食不足。歲豐糧亦匱。安得緩徵徭。
饘粥可常繼。

空館

空館無人。凄復清夜。牕寒月少。書聲秋風。鴻雁行中斷。

春草池塘夢未成。故篋遺文光漫滅。短牆題字墨縱橫。堪憐慧業生天去。辭母猶能託弟兄。

寄兵部魏子存員外并候龔大司馬

長安風雪紫貂寒。老病猶思戴鶻冠。好客幾人收魏勃。酬恩何處報燕丹。補天共淬芙蓉劍。對酒難忘苜蓿盤。聞道

聖朝多善政。野人伏枕勸加餐。

病臥東村寄少玉論道

形色皆天性。情緣有道存。聖言原一貫。釋老各分門。有

生豈不死。無魄枉招魂。所以竹林客。終日醉昏昏。縱達不言命。窮通各有天。蕃生多草棘。中折有蘭荃。聞道回先歿。劫殺跖竟全。聖賢惟立教。因果亦徒然。易道貴貞吉。書旨奉先天。五福與六極。感應若循環。如何無妄災。亦有禍來纏。理數恒相反。垂教所不宣。五行相生剋。異質反其常。沉水有浮石。浮木有沉香。寒梅開臘雪。枯草在夏陽。君子樂固窮。松柏乃凌霜。張湯善殺人。生子名安世。梁統亦漢賢。凶嗣產梁冀。報應殊不倫。盛衰亦凌替。南宮問益稷。尼父所不對。

萬物隨感遇。大造如洪爐。生死歸鍛鍊。貴賤各有殊。當
作平等觀。勿爲常變拘。送來二氣間。哀樂皆須臾。

題李渭清燕磯獨眺圖

一峰孤峙枕江流。燕子磯頭繫釣舟。萬里風波愁淼淼。
六朝煙雨恨悠悠。謫仙自賦清平調。崔顥能空黃鶴樓。
倚杖孤吟人不識。對君恍憶少年遊。
何人獨立江干上。日暮聽潮自往還。古渡斜連煙外寺。
淡雲輕抹雨中山。依微寒樹歸帆遠。滅沒孤鴻落照間。
欲把釣竿從子去。畫圖無路出人間。

雲門山

背郭沿山麓。平臺入亂峰。懸崖開壁月。危石倚岩松。風
送出林鳥。雲隨過峽龍。青葱堪極目。霸氣舊齊封。
仙井知何處。丹砂斲石根。舊傳通海市。此地闢天門。蟻
蛭看城小。鶴飛有洞存。人間千劫幻。天上幾朝昏。
仙掌開雲眼。通明割一天。弇州雙律好。殘碣萬人傳。日
月成全墮。蛟龍得乍穿。遂成明代識。慷慨念前賢。
山椒來海氣。青靄接東蒙。歷歷前王墓。洋洋大國風。人
家兵火後。官殿野煙中。醉眼凭高望。悲秋未可窮。

秋色無高下夕陽在遠山天廻大峴嶺雲過穆陵關
渺漠孤煙起蒼茫暮鳥還澗東雙鏡鶴來往在人間
絕頂開新路中峰峙一亭杖勞嫌石久酒困借風醒短
笛吹寥廓長歌振宵冥醉狂憑起舞衰老本忘形
青岱分支庶茲山接徂徠何年王氣鑿能使霸圖衰牧
馬邊笳動城烏夜角哀重門防蚤閉移席下層臺
好事能違俗登臨羨郡侯公餘探古跡民樂動齊謳靈
運通山趣羊公足勝遊君看醴井上千載祀清流

戊申人日夜宿山樓

無伴山遊漫遣愁○ 倩人扶杖強登樓○ 應憐雲樹還相識○
空歎登臨不自由○ 幾卷殘書存舊榻○ 百年心事付虛舟○
春來蚤築藏形地○ 七十老翁何所求○ 此日春風又入林○
隔林鐘磬夜沉沉○ 鳥啼老樹知天曙○ 鶴影空山入夢深○
野水寒煙麋鹿迹○ 斷冰殘雪薜蘿心○ 不堪病廢惟高臥○
獨酌猶爲梁父吟○

村友載酒同李玄圃偶集

村貧臘釀餘益益○ 草具春盤但隻雞○ 汲澗敲冰新煮茗○
晚煙炊黍一蒸藜○ 攜壺就飲情偏劇○ 亂坐謹譁語不齊○

其約花時尋酒伴何妨病眼路高低

聞馬習仲失山居

近聞高士多趨幕更愛達官喜買山竹社酒闌餘鍛竈
桃源人去閉花關金銀氣隱誰能識猿鶴聲悲未是閒
獨惜草堂終日鎖石門薜荔綠苔斑

懷九仙書院王道士

萬峰盡處石門通鶴老猶棲霹靂松玉井開田閒抱犢
石潭驅雨夜呼龍丹爐絳雪燒千日雲壑仙梯架幾重
舊約入山無那老何時採藥一相從

超然臺下西園欲開館招延多士講學以娛殘年

予雖眼病而口談未倦以詩寄渭清

野翁扶杖欲何之為掃西園共說詩同里未聞人好學
遠遊安有客尋師非關老子生多事自愛殘年強教兒
閉目尚能談古史少年趨館憶當時
庭前兩樹紫薇花三世栽培柱史家彭澤諸兒輕世學
陶朱少子愛浮華誰開蓬徑迎三益為重簾金笑五車
載酒何人問奇字春風不掃絳帷紗

感懷

物候催時百感生。出門常似夢中行。哀艷失子因憐母。
舐犢傷心復喪明。舊景山川空有影。新春花鳥太無情。
堪悲老死人難悔。日向兒孫課守成。

山遊回路遇員外劉西水赴青門山

聞君別業起高樓。溪上晴雲入座收。豈愛投閒輕紱冕。
偶然乘興寄林丘。卜鄰久負青門約。病廢難從白社遊。
同學故人多貴達。道傍相見雪盈頭。

翠巘遙連接白雲。桃源一半與君分。柴門每過青霞珮。
芝憶常驚白鹿羣。絲竹東山通帝座。鳳麟北海動星文。

荒村病叟曾相識。鶴駕凌霄未可聞。

正月十七日曾孫湯餅會喜示僑孫

柴門喜見掛桑弧。竹有龍孫鶴有雛。犀額何須求邁種。
虎頭不必異凡夫。家傳儒業書千卷。世守農桑屋一區。
但得添丁貧亦足。明年能捋祖翁鬚。
一堂四世是天親。伯叔支分卽路人。河水同源成遠派。
林花共本各生春。呼牛呼馬隨榮辱。爲蠖爲龍任屈伸。
且喜園桃多結果。栽培雨露付鴻鈞。

奉酬劉員外見蒼山遊前韻

閉目傷神獨倚樓。龍鍾老眼淚難收。

聖朝特典寬張儉。國語窮年愧左丘。伏枕雲山誰共語。騎
驢燕市亦同遊。羨君採藥丹將熟。亂插花枝香滿頭。
南山雲接北山雲。馬首相逢去路分。載酒徵歌成獨樂。
乘軒戴笠久離羣。書藏空湧風雷氣。劍老猶騰星斗文。
欲向劉安求大藥。九天鸞鶴幸相聞。

邀王南盧過東村時寓劉西水館中

閉門疎竹影脩脩。每過西園憶舊遊。自是林宗能御李。
非關王粲強依劉。春山足病閒鳩杖。社酒人空散鹿裘。

高臥草堂懷二仲。古來原少剡溪舟。

元宵呈邑侯蔣明府

聖朝時序頌康衢。甘雨常隨召父車。卓異堪傳循令史。賢
良將獻太平書。兒童歌舞知民樂。花柳欣榮喜政舒。老
病未能輕入幕。春風時到野人廬。

哭傅掌雷尚書十律

予以著書被禍蒙公脫驟得
免時病中不忘周恤臨別握

手義過古人今聞
訃音故歷述志感

臥病難忘國士心。塞鴻天外寄哀音。屋梁落月人常在。
丘壑殘年感獨深。義氣於今成白眼。交情自古重黃金。

登牀永訣猶垂手流水無聲已斷琴

予以病喪明伏枕二年矣再述舊遊以代執紼
垂簾白晝易黃昏淚眼難招楚客魂一飯頓超靈輒死
千金難報信陵恩開屏列翠時調曲步雪尋香夜到門
入坐何曾留俗客詩成獨與阮嵇論

世祖欲作楊椒山樂府公薦於涿鹿馮相國奉

旨作表忠記書成未及上而

世祖賓天矣

聖朝禮樂重賡歌詎意徵詞到薜蘿鳥跡有書千象緯龍

光無力挽江河吹枯不厭春風少薦舉空勞夜夢多爲
感平原投錦瑟酒闌無奈月明何

家世

天垣閎闕玉堂仙繡斧烏臺

帝眷偏冀北勳名推地望江南桃李列星躔三槐世業金
甌重萬石家聲畫錦全急欲作霖留傳說騎箕歸去一
潛然

交遊

京旅同遊隔一坊酒壚詩社散疎狂高軒時過惟王薛

覺斯行塢奇字推敲有傳楊公與鉅鹿楊猶龍獨密花下笛聲吹
 二先生入破鏡中鸞影出新妝文園一夜梅花放獨許彭宣到
 後堂。

公慎重寡交獨許殷伯巖申冕盟予三人為知己
 落落高風無與儔龍門人羨李膺舟石渠國史誰能見
 芸閣藏書未易求柱笏西山來爽氣封章北闕立清秋
 遺文諫草焚將盡更向天邊賦玉樓

寵遇不驕

獨步天衢四牡駢當庭湛露有光輝長楊侍宴解貂賜

別殿披香御馬歸倒屣憐才迎趙壹班荆重信感朱暉
 故人貧賤多忘分推食分金意不違

投契

漁陽紫塞恒山北渤海青齊泰岱東河朔風流千里隔
 文章結納幾人同填詞顧曲推公瑾列帳開樽得孔融
 應有道緣天作合延津劍氣已先通

遣祭

一束生芻酒一杯素車欲往老摧頽山陽短笛悲三弄
 杜甫長鑣賦七哀一別傷心同病榻何年聚首到泉臺

臨風寄誄空揮淚痛哭西州有夢來

哀絕

七十老翁淚易垂。年來長感死生悲。冥冥良友驚長往。歷歷歡場邈莫追。林隔白雲難掛劍。謚垂青史有題碑。後昆濟美多才子。為誦新詩向總帷。

郭蒲臺馬習仲過訪沙村將卜居于椽谷山得求

字

丁丁伐木兩相求。欲向東山問菟裘。卜宅來尋叢桂地。借居將隱浣花洲。素心誰肯從元亮。青眼於今得馬周。

自是林宗能相士。移家共作習池遊。

喜鐸孫得子是月僑孫亦添丁口占寄賀

夢熊昨夜賜麟兒。丹桂休嫌結子遲。心是良田方有種。人如大造自無私。當知水木皆同本。莫謂椒聊作遠枝。最喜一春得雙璧。老夫連寫弄璋詩。

塾師笑

田夫不自量。教子學儒脩。本村有塾師。童子多匹儔。不知經與書。但求識字周。滿屋亂蛙鳴。不能轉其喉。田父不識字。但聽聲啾啾。三字經未畢。歲終索束脩。殺雞供

野山亭草 卷三
師○膳○錢○少○賣○耕○牛○三○年○使○書○記○不○識○撒○與○鈎○塾○師○愚○田○
夫○家○貧○且○莫○憂○汝○子○有○奇○才○富○貴○何○難○求○田○夫○聞○之○喜○
沽○酒○盡○大○甌○

梅花禪偈

常○羨○扶○搖○鯤○化○鵬○何○如○學○箇○木○雞○翁○蹄○泔○不○異○龍○門○水○
伏○鷄○安○知○羊○角○風○欲○斬○野○狐○除○怪○妄○擬○將○天○鳥○啄○虛○空○
梅○花○掃○盡○留○明○月○月○照○金○瓶○一○樣○同○
故○山○建○寺○舊○留○僧○椽○谷○連○峰○大○壑○東○曾○授○丹○符○驅○木○客○
每○勞○金○母○遣○青○童○冲○霄○鶴○路○人○難○識○入○海○龍○門○信○已○通○

我欲乘風尋子晉三花頂上訪崆峒

庚子春同范性華飲武林柴雲倩孝廉園今九年
矣遇於東武述舊有懷

西○湖○花○下○歡○遊○日○東○海○罇○前○會○面○時○勝○地○追○隨○渾○似○夢○
故○人○衰○老○不○堪○悲○英○雄○何○處○逢○劉○毅○國○士○誰○能○識○范○睢○
對○酒○當○歌○應○共○醉○相○思○先○作○別○離○詩○
十○年○江○海○舊○遊○踪○曾○占○吳○山○第○一○峰○華○表○重○來○人○似○鶴○
葛○坡○歸○去○杖○如○龍○詩○因○多○難○聲○偏○苦○酒○為○長○愁○醉○不○濃○
欲○問○斷○橋○別○後○月○何○妨○同○坐○日○高○春○

同問石上人宿紫竹庵禪室

土銼無煙香火微○禪牀燈暗掩荆扉○風吹塵榻僧難定○
月上空林鳥自歸○止水觀中同夜氣○白毫光裏各天機○
一聲清磬聞雞唱○瓦鉢龍眠未敢飛○

聞劉西水得團爐山居再酬前韻

爐峰舊是讀書處○勝地為君一袖收○因買名山酬白壁○
偶攜明月過林丘○鄴侯夙有神仙骨○園綺非同麋鹿遊○
更愛西南林壑美○桃花洞在後溪頭○
千金自喜買煙雲○翠壁丹崖一笑分○久識猶龍能絕俗○

安知天馬竟空羣○秘書舊照青藜火○仙洞新栽玉篆文○
但恐九霄來鳳詔○珮聲縹緲不相聞○

丙午壽日都門謝張光祿限金石絲竹匏土革木

八音

金紫名高羨蚤飛○石渠書滿未能歸○絲綸久著黃扉望○
竹帛頻分青瑣暉○匏葉藤稍常繫客○土羹塵飯久忘飢○
革囊謝却甘長往○木樨香中間祖衣○
金樽頻倒向君家○石上藤蘿月未斜○絲杼鮫人雲作錦○
竹林高士筆生花○匏瓜魯叟心常苦○土室袁閔鬢已華○

華○俗○何○曾○敦○古○道○木○蘭○開○後○各○天○涯○
金○水○橋○邊○楊○柳○枝○石○楠○花○發○憶○當○時○絲○聲○尚○譜○開○元○曲○
竹○管○能○吹○長○恨○詞○匏○葉○隨○舟○迷○去○住○土○花○繡○劍○老○雄○雌○
華○心○已○逐○春○風○化○木○葉○山○頭○自○賦○詩○

前八音詩得之亂書中再續遣懷

金○盡○牀○頭○壯○士○枯○石○門○松○菊○久○荒○蕪○絲○嫌○商○激○琴○難○暢○
竹○苦○腰○強○杖○懶○扶○匏○作○瓦○瓠○羞○濩○落○土○增○丹○獲○笑○浮○屠○
華○懸○正○鵠○誰○能○貫○木○馬○桑○弧○道○已○孤○
金○門○漏○盡○五○雲○中○石○馬○銅○駝○漢○舊○宮○絲○色○青○黃○隨○世○變○

竹○竿○高○下○與○時○同○匏○藏○苦○種○人○猶○食○土○作○高○山○力○未○終○
華○酪○雖○甘○難○一○醉○木○奴○千○樹○笑○春○風○
金○吾○不○禁○夜○如○何○石○季○倫○家○酒○客○多○絲○肉○聲○中○歌○白○苧○
竹○枝○詞○裏○舞○陽○阿○匏○星○欲○摘○天○難○問○土○鼓○雖○鳴○樂○不○和○
華○帶○束○腰○蒲○作○笠○木○門○塞○外○渡○黃○河○

用前八音寄山中人

金○丹○不○就○老○何○爲○石○洞○雲○生○問○紫○芝○絲○捲○晴○煙○飛○絮○後○
竹○垂○新○粉○晚○花○時○匏○場○豆○圃○迷○荒○徑○土○屋○泥○牆○寫○舊○詩○
華○履○拋○殘○思○蠟○屐○木○香○亭○畔○醉○春○卮○

叅禪 用前八音

金○光○影○裏○鬪○禪○機○石○火○生○蓮○道○法○微○絲○縷○傳○燈○分○五○葉○
竹○篋○敲○戶○隱○雙○扉○匏○員○瓠○破○無○分○別○土○濕○泥○乾○有○是○非○
革○去○頂○毛○成○底○事○木○雞○啼○後○曉○星○稀○

老態

擁○被○圍○爐○白○晝○陰○日○高○不○起○苦○寒○侵○身○衰○入○夢○多○亾○友○
病○臥○逢○春○念○舊○林○無○計○遣○愁○求○薄○醉○有○詩○慰○老○但○長○吟○
也○知○出○世○歸○禪○好○夙○業○情○緣○尚○累○心○

進酒

平○生○縱○酒○多○疎○放○老○去○悲○傷○少○曠○觀○文○禍○雖○平○門○戶○弱○
家○聲○不○振○世○途○難○杜○陵○屋○破○愁○秋○雨○季○子○裘○殘○畏○歲○寒○
自○古○老○人○無○善○策○呼○童○進○酒○且○加○餐○

達觀

自○無○而○有○雲○生○滅○自○有○還○無○影○去○留○社○燕○自○來○還○自○去○
山○花○無○喜○亦○無○愁○空○傳○桃○實○能○延○歲○莫○笑○芭○蕉○不○耐○秋○
看○破○彭○殤○同○一○盞○螻○蛄○何○用○弔○蜉○蝣○

達化

七○十○行○吟○榮○啓○期○披○簑○拾○穗○樂○偏○奇○江○山○到○處○皆○春○色○

花鳥隨時卽故知。世本唐虞人自隘。我無機智物何疑。
巢由舜禹渾多事。莊子濠梁笑仲尼。

春夜不寐戲作廻文詩做古

陰陰樹影月依人。險韻詩成暗度春。林遶水村歸燕蚤。
雨飛香徑落花新。深山入竹斜連寺。斷岸穿松密結鄰。
今古空憐誰織錦。尋幽得句苦眉顰。
春山滿眼入林青。渡水穿橋得月明。新雨過溪晴汎鴨。
淡煙籠樹曉啼鶯。鄰家幾處花迷路。醉客何人酒解醒。
真隱樂天知道法。塵中劫盡有涯生。

禪堂不寐枕上口占前體廻文

寒更五夜雨蕭蕭。夢短愁懷入寂寥。丹老不知安鼎汞。
眼昏常苦動塵囂。冠高掛壁風彈竹。屣倒迎門月上橋。
看鶴有人歸路晚。漫漫遠樹海生潮。

咏雪蕉雙鶴廻文

紅蕉立雪伴胎仙。側頂丹砂映日圓。東海下搏雲片片。
北天高竝玉翩翩。雄聲唳月巢松古。潔影搖空濯羽鮮。
風捲綠屏雙振翮。籠軒出處舞裳玄。

歎老

鴉啼曉月夢魂孤。人老方知歲歲殊。強飯齒稀蔬不飽。
好眠身懶杖難扶。文章氣習終無悔。田舍心多慮更愚。
一枕松風千古月。南山高臥有華胥。
百年汎汎任虛舟。火宅何須恡去留。謝盡萬緣猶有累。
消除一念更無求。風花雖落春常在。蒲柳將殘水自愁。
聞道彭聃能善化。函關未見返青牛。

李繪先象先兩兄弟過東武話舊

少年文采氣如虹。衰白相逢盡老翁。共覓玄珠成罔象。
誰憐青眼隔重瞳。滄洲歲月逍遙外。海岱聲名滅沒中。

今夕何緣來二仲。草堂樽酒素心同。

求象先爲作傳

舊遊曾與異人期。策杖敲門慰所思。桑下金環三世事。
囊中白雪幾家詩。禪叅八識傳宗少。賦就三都問字奇。
近欲開林爲壽藏。勞君作傳代題碑。

春日聽人讀史

眼暗貪書求醒睡。倩人高誦苦音訛。文從避諂存真少。
詩借陶情雜體多。愛聽出師先墮淚。愁看起舞欲悲歌。
明知無益翻成恨。老去情懷奈若何。

春夜聞鴈

細雨終宵歸鴈遲。一聲孤唳使人悲。那堪半夜思親淚。更憶前年教子詩。野哭漸愁寒食近。病眠虛負蚤春時。百年聚散渾如此。過眼鶯花不可思。

聽山亭雜著

洗耳非忘物。尋聲豈有心。林空多異響。山靜有清音。啼鳥時調曲。流泉一奏琴。松風吹不斷。鐘磬夜沉沉。

聽春鳥

和風吹萬物。淑氣發青陽。好鳥來何處。嚶嚶春澗旁。遊

啼如喚友。頻轉勸飛觴。更喜新歸燕。尋巢到舊梁。

聽夏泉

青山新雨過。南澗水聲多。漱石搖風雨。飛流響珮珂。乍聞忽有得。久聽樂如何。坐汲烹春茗。滄浪欲放歌。

聽秋聲

山雨堪清聽。未來聲滿林。松濤吹謾謾。槲葉響沉沉。搖落傷秋意。虛空入夜心。明朝看霜樹。薜荔半紅深。

聽冬雪

寂歷寒山靜。偏宜聽雪行。灑松微有韻。壓竹細無聲。倚

歌山亭草 卷三
杖堪按句圍爐共解醒。梅花香不定。獨坐夜合情。

聽笛

寂○寂○遠○峰○青○梅○花○落○洞○庭○何○人○吹○入○破○能○使○客○愁○醒○鶴
唳○雲○門○遠○龍○吟○海○氣○冥○悲○秋○兼○別○恨○明○月○滿○山○亭

聽梵聲

聲○聞○非○耳○入○梵○貝○起○心○齋○會○劫○知○無○果○傳○薪○亦○用○柴○磬
音○開○法○海○松○影○落○空○階○欲○化○頻○迦○鳥○能○超○瘦○骨○骸

聽雞聲

起○舞○緣○何○事○空○憐○志○不○成○何○如○茅○店○月○高○枕○聽○雞○鳴○破

夢○回○千○里○懷○人○到○五○更○一○聲○羣○動○起○曙○色○隔○林○明

聽鶯聲

小○圃○夾○青○谿○茅○簷○夏○木○齊○何○來○驚○午○夢○深○樹○轉○黃○鸝○織
柳○聲○相○應○穿○花○路○不○迷○曉○光○煙○霧○滿○啼○過○竹○林○西

聽蟬聲

獨○坐○隱○高○樹○微○涼○下○夕○陰○茂○林○人○不○見○倚○杖○聽○蟬○吟○飲
露○聲○偏○切○移○枝○音○更○沉○從○來○無○惡○意○安○得○變○琴○心

聽鴈聲

亦○知○怨○行○路○終○歲○苦○離○鄉○身○世○忘○南○北○天○涯○飽○雪○霜○書

空○徒○有○字○斷○影○不○成○行○關○塞○多○明○月○傷○弓○須○自○防○

聽牛聲

良○農○多○蚤○起○負○耒○破○荒○煙○經○歲○無○時○息○牛○歌○聲○可○憐○稅○
嚴○無○暇○日○世○亂○少○豐○年○忽○作○義○農○想○神○遊○太○古○先○

聽蛩聲

野○步○山○行○遠○草○鳴○聲○帶○秋○啜○啜○生○暗○響○昨○夜○在○牀○頭○靜○
臥○驚○寒○夢○哀○吟○動○旅○愁○老○人○多○不○寐○與○爾○伴○清○幽○

聽樵聲

落○日○聞○樵○唱○丁○丁○響○翠○微○穿○雲○何○徑○去○待○月○晚○來○歸○雨○

過○石○苔○滑○霜○深○木○葉○稀○須○知○蕉○下○鹿○不○及○首○陽○薇○

聽書聲

書○聲○宜○夜○聽○蚤○起○入○山○時○靜○對○如○相○得○微○吟○有○所○思○靈○
心○風○雨○入○秘○悟○鬼○神○知○老○病○猶○難○廢○平○生○樂○不○移○

聽紡績聲

絡○緯○催○秋○織○山○寒○夜○正○長○投○梭○聞○杼○響○借○壁○引○燈○光○貧○
婦○經○年○力○歌○姬○半○夜○妝○人○間○甘○苦○事○不○在○着○衣○裳○

七十老人自壽排律

老○人○七○十○醉○顏○酡○把○酒○登○牀○強○放○歌○閱○盡○山○川○餘○甲○子○

虛隨莫英老巖阿龍文掛壁風雲少。驥足長途雨雪多。
口可談天空北海。宦如醉夢付南柯。文章憎命生魑魅。
丹竈經年長薜蘿。彩筆何曾干象緯。白頭猶自苦吟哦。
輕舟每泛千重海。岐路常逢九折坡。温嶠空隨南渡馬。
魯陽不返日邊戈。燕臺賣賦重收駿。馬肆談經且傍駝。
壯志不酬書咄咄。歡場無賴舞傚傚。九蟬綏隨時轉。
豕澤牛衣得暫過。宣室未聞徵賈誼。趙兵堪用老廉頗。
欲歸東海尋松菊。更向西湖採芰荷。萬里武夷空返棹。
三年閩浙未停波。流言特謗山中豆。亾命私潛江上篲。

滅影嵩山經大索。回春黍谷得陽和。河陽渡口逢梅使。
小室龕中禮達摩。自是

聖

朝寬雨露頓。今大地轉星河。賜環獨許歸林藪。作賦無庸弔汨羅。風定潮平因渡岸。書焚火滅不成魔。天將廢疾消多難。佛以因緣度劫磨。松老龍鱗能變化。雲高鶴骨自嵯峨。隙中蠻觸光如電。鏡裏年華急似梭。造化小兒無盡藏。百年不樂復如何。

和馬習仲載酒過山為壽敬次來韻

晝掩荆扉客過稀。嶺雲山月共相依。何來高士挈壺至。

疑是仙人跨鶴歸。洞裏爛柯忘甲子。林間清磬發禪機。
鹿門肯共龐公飲。雙樹同參古佛衣。

豸佳姪過椽山壽余七旬次來韻勉之

仙山石室遠相依。牕外白雲手自揮。初欲移家成暫住。
久因貪勝未能歸。新開門戶晴巒滿。舊種松楸落葉稀。
每爲詩才憐小阮。莫忘柱史芟荷衣。

九仙山釋子如臻種松萬樹於萬歲峰之巔因號
之曰松梵。昔康熙戊申二月至椽山爲佛事。因
作詩贈之。卽以松字爲韻。時余年七十矣。

萬歲峰頭萬樹松。白雲深處隱孤踪。何年老幹能巢鶴。
此日新鱗已化龍。風送濤聲遙應梵。煙開谿路始聞鐘。
仙家洞在曹溪口。衰老猶期一杖筇。

高僧自闢山頭路。孤鶴猶棲海上峰。種樹常愁陵谷變。
投林不願世人逢。誰開野雪通樵徑。蚤護溪煙斷火蹤。
應與天台松共老。石橋南畔白雲封。
雪鬣霜鬟翠影重。後彫何必問秋冬。三千歲鶴歸無日。
十八年公夢不逢。應結茯苓投藥裹。莫因風雨受秦封。
堦前雙樹同聽法。謾謾如聞半夜鐘。

祇樹談經飯野春。蒲團同坐禮金容。莫言聚石能聽法。
且喜開林善種松。偃蓋枝頭雲拂地。垂蘿洞口雪連峰。
葛洪井畔逢圓澤。直拈松花莫問宗。

自嘲

難中舊本其焚盡。

救後新詩苦日多。豈爲工文誇奧博。聊將下酒慰蹉跎。樂

天句就呼村媪。蘇子文成付夢婆。最似無媒老宮女。戲

同年少畫雙蛾。

劉學士奉使祭告因遊海上九仙山六絕病中次

韻寄懷

絳節仙人紫蓋封。乘鸞飛度海東峰。題詩歸去無形跡。
石上莓苔見履蹤。

竹林峰

紫筍丹崖玉作堆。仙槎汎海使星回。茫茫九點齊煙暗。
不是仙人那得來。

望海峰

滄溟極目接天崖。半夜紅輪照九垓。咫尺蓬萊如可到。
白雲仙仗爲君排。

萬歲峰

九天星斗擁峰頭○呼吸能通帝座遊○下見羣山如拱北○雲中仙掌列公侯○

梳洗峰

雲作衣裳月作盆○珮環歸去此峰存○山花誰插青螺髻○夜夜山頭聞白猿○

觀音峰

百丈崖頭立脚尖○石梯苔滑屐難沾○九仙秀色收將滿○千古何須頌子瞻○

清明野哭

去年同遊地○今歲化新墳○汝母歸無所○泉臺豈有聞○將三尺土○報汝數年勤○近亦脩吾墓○相依共白雲○

枕上吟

枕上生涯夢不成○尋題按句過三更○呼童取火披衣起○夜半抄詩直到明○春夢無端短更多○不關情境不關魔○總如柳絮隨風轉○妄想遊魂一瞬過○

脩墓雜著

百年自了一生事○三尺空懸千古心○山鬼倦來消伎倆○
海鷗散去任浮沉○秋山落木間相伴○冷葉寒梅笑不禁○
天上秘書誰得見○齊丘化後有知音○
海上仙人去不逢○曾教鶴骨隱茲峰○喬松親記龍師迹○
迴嶺先為馬鬣封○渡海每超風浪險○捫天長泛斗星重○
空勞垂手無歸着○大夢沉沉午夜鐘○
石徑苔垣薜荔牆○此中人臥有立堂○一聲鶴唳飛無影○
五夜雞鳴夢正長○劍氣干霄橫北斗○歲星出世化東方○
不應埋沒成溝斷○夜壑猶為日月光○

參佛求仙事不違○勞形乘化兩無歸○爐中芻狗隨流止○
甕裏醯雞有是非○指點虛無開覺路○消除哀樂任天機○
每疑蟬蛻同尸解○不及巢間乳燕飛○

山中喜天章篤臣叔姪見過

久病與人疎○勞君到草廬○竹林同命駕○花逕喜新除○臘
釀嘗春蕨○山盤得大魚○談詩至夜半○老興未能無○
新採黃精菜○清泉更煮茶○初晴開草色○曉日煖桃花○野
鳥來迎客○白雲已作家○頻同小阮過○濁酒不須賒○
春鳩啼曉樹○似愛野人過○計日開紅藥○相期醉綠莎○老

當○停○請○謁○貧○莫○厭○催○科○且○飲○松○花○酒○銜○杯○聽○鳥○歌○
扶○杖○難○從○後○傾○壺○興○更○長○花○迷○摩○詰○宅○草○滿○盧○洪○莊○閉○
目○知○天○放○窮○吟○笑○老○狂○請○君○觀○荷○鍾○勿○用○問○行○藏○

于曼卿過山採藥

採○藥○當○春○曉○騎○驢○破○綠○煙○黃○精○初○甲○拆○蒼○木○得○根○全○却○
病○聊○扶○老○延○年○不○羨○仙○此○山○多○異○草○與○爾○問○靈○詮○

問勞山道士說崖蜜出石竹澗

仙○洞○多○崖○蜜○黃○冠○君○舊○居○靈○山○產○石○髓○本○草○出○丹○書○雲○
白○松○花○老○峰○高○桂○露○虛○何○方○覓○雪○乳○眼○障○得○消○除○

荷鍾吟

酒○德○文○成○荷○鍾○歸○伯○倫○消○息○合○天○機○非○關○縱○達○浮○生○幻○
亦○覺○荒○迷○世○事○非○馬○渡○新○亭○典○午○變○笛○吹○洛○社○故○人○稀○
婦○言○勿○聽○真○堪○醉○夷○甫○空○勞○玉○塵○揮○
鑿○坎○陽○崖○百○樹○青○欲○因○荷○鍾○自○名○亭○已○悲○瘞○硯○人○將○老○
更○愧○焚○書○字○不○靈○鵬○化○鵬○飛○原○罔○象○水○窮○雲○起○本○忘○形○
宋○臣○大○侈○王○孫○裸○何○似○中○山○醉○不○醒○

李玄圃作勞山道士今生二子余削髮嵩山亦復

逃禪作詩共嘲

君離雲水我逃禪。暫了人間酒肉緣。彌勒啜糟呼作佛。
劉安挾婦亦昇天。已知遊戲成三昧。聞道逍遙是半仙。
戒律豈因吾輩設。天留花月度殘年。

同玄圃遊龍灣飲青玉溪石上經營新築

山行三五里。別路入花源。築室斜臨澗。聽泉近繞門。蠶
場仍護樹。樵徑各成村。老去尋幽事。傾壺坐石根。
種樹吾將老。開山歲已遲。幽懷人自得。玄賞世難知。傍
水宜開圃。看山不隔離。從來行樂事。豈在少年時。

病中花月

春來花月少精神。眼病經年愧有春。我不見花花見我。
人難隨月月隨人。階前對舞成三影。籬下分香滿一身。
月有缺時花易謝。銜杯老子興長新。

寄咏張杞園船亭

仙槎北海未能求。尚有張騫泛斗牛。大地由來皆積水。
人間何處不虛舟。蓬牕似寓垂綸興。溟渤難忘砥柱留。
四壁琴書三尺榻。羨君高臥卽滄洲。
北風吹浪暗如山。柔櫓無聲自往還。大陸龍門橫巨楫。
仙舟鼇背架天關。浮沉一芥滄桑外。滅沒三山醉夢間。

滿目波濤眠更穩。片帆不掛釣竿閒。

花下獨酌喜習仲偶至

折花酌酒畏春殘。多病多愁愧牡丹。不出蓬門求獨醉。
况逢佳客更成歡。持螯初擘硃砂殼。帶露新開紫玉盤。
欲去仍留天待雨。山中良會古來難。

榆錢

萬點風飄似買春。漫天飛舞正迷人。欲償酒債終無用。
爲慰囊中愧不神。委積長渠羞貫朽。充盈窮巷莫醫貧。
何時化作青蚨去。暫解催科息困民。

星化白榆巧鑄成。枝頭人號孔方兄。幸無輪郭稱銅臭。
似有圓銖賽水衡。縱使慢藏難誨盜。何勞多得與天爭。
也知暫聚終歸散。免向人間買不平。

榆莢春飛亦可憐。忽疑天雨送神錢。鹿迷蕉夢終成幻。
鶴背揚州未可纏。寒士漫羞囊裏澁。高陽安得杖頭懸。
山家欲借充阿堵。又被風吹作野煙。
難將十萬謝東君。擲地紛紛靜不聞。欲買桃花空獻笑。
將穿柳眼未成文。銅山敵國終非富。金穴通神未許分。
祇可飄零還造物。呼童淨掃遠塵氛。

聖山亭草 卷三 三
聞任少玉述郝彬如觀察詩羨其超羣幽尚卓冠
流品因次韵和之山中病廢借爲介紹

畫錦歸來剩有春遼陽鶴化宰官身山川王氣皆東向
節鉞天衡近左巡洛社停車榮故里汾陽分粟遍鄰人
應知綵筆無南北欲向星河一問津

得耿隱之寄書

不見耿生久江湖已有年友情常自得奇字未能剛策
杖遊荒海騎驢入亂山支離成底事相憶鬢斑斑

漫興

種樹不計歲題詩非爲名憑將無益事娛此有涯生獨
坐捫松樹閒行聽鳥聲山深無酒伴花下一樽傾
孟夏來城郭餘春剩舊園柳橋將斷板花徑有顏垣布
置存初意荒涼似野村眼昏倦脩築勝地付兒孫
茫茫思太古萬事累情緣閉目聞天語冥心見聖傳樊
籠誰解脫元會苦周旋幸有儀狄酒能追混沌先
古人不得意大半在逃形日月難拘束文章見性靈鍛
爐憐叔夜荷鋪笑劉伶惟有南山桂年年香更青
強飲聊消日狂吟代著書醉翁不在酒海客久忘魚世

事○隨○甌○脫○吾○生○付○子○虛○臥○遊○窮○大○化○枕○上○是○吾○廬○
函○關○牛○不○返○道○德○洩○天○機○紫○氣○誰○能○識○玄○言○世○莫○違○神○
龍○多○隱○尾○威○鳳○有○潛○輝○三○聖○終○歸○一○何○勞○說○是○非○

賀青州太守曲公巡歷諸邑禱雨輒應

露○冕○巡○遊○東○海○濱○窮○鄉○草○木○各○懷○新○攜○來○范○井○三○天○水○
散○作○蘇○臺○萬○戶○春○馬○耳○垂○雲○隨○步○禱○龍○潭○飛○雨○灑○車○塵○
九○重○佇○下○循○良○詔○更○借○爲○霖○潤○大○鈞○

錫履東齊起頌聲使君問俗省春耕三韓玉氣千家雨
五袴民謠四國情

聖世風雲推卓異野人丘壑感餘生山中松露遙相獻老
病迷茫愧送迎

玄圃更字松樵以山松托之許爲護視

野客忘機醉可邀故將玄圃號松樵當年種樹蒼煙滿
此日成林野火燒春雪護根防剪伐秋風吹子傍雲霄
勞君看取高千尺欲問茯苓歲已遙

東園

東園春盡景如何花下清晨正可過玫瑰香濃芳蝶亂
櫻桃紅熟野禽多疎篁曲徑斜穿筍遶檜新亭半枕莎

鎮日鶯啼聲不斷。招鄰呼酒聽笙歌。

種松

萬頃蒼煙志未成。得來種法一毛輕。不勞荷鋪移雲力。但聽穿林落子聲。旱澗尚憂春雨少。伏蒸每傍石根生。誰憐歲暮龍鱗老。欲採松花不可行。

四月念日祭傅司空人回已葬矣冢君鷺來仲君

去異叔君去疾季君去偏寄字甚懇又感而詩為

千里傷心事。三旬去使回。素車無夢到。宿草有餘哀。風雨存杯土。文章隱上台。焚詩能見否。伯仲喜多才。

孟夏蚤起

孟夏喜晨興。花間杖一藤。樹深多異鳥。林靜有孤僧。松露垂垂滴。雲香冉冉升。一聲清磬寂。盥漱禮南能。雨發新抽筍。風吹倒地花。偃松低曲徑。細菊護平沙。隨意尋幽事。消愁借物華。少年行樂事。老此是生涯。曉起家無事。披衣杖小童。竹稀存老綠。花晚落殘紅。人語輕煙外。鶯啼宿霧中。三光連雨氣。蒼翠總濛濛。卯酒求輕醉。匡牀愛短眠。日長惟續夢。性懶竟逃禪。種甘牛後投。林羨鳥先。此中聊止止。天欲惜殘年。

喜祥集姪入山從遊前同事浙中

舊遊如昨日。頓隔十年期。再續山中約。猶傳湖上詩。傷心非一事。回首不同時。莫厭追隨久。忘機老更宜。多難成吾老。窮愁念爾貧。性孤同厭世。道拙不謀身。月羨誰家好。花迷幾處春。惟應舊巢燕。相對覺情真。

丘龍標司理自南昌歸山中寄詩候之

五年離緒隔江關。千里清風載鶴還。滕閣賦成饒臥理。豐城斗氣接天班。故鄉雨雪忘麋鹿。歸路湖山擁黛鬟。自是白頭人共棄。春光不到竹林間。

孟夏移菊

夏園羣卉長。秋菊發新英。潤葉凝朝露。分根喜薄晴。借人求異種。題壁記佳名。不待重陽至。寒香已有情。淵明不在菊。偶爾過東籬。寓興非關物。幽情祇自知。開逢秋釀熟。醉與野人期。但得香中趣。紅黃色各宜。

命祥集姪養菊

山中無所事。養菊待秋深。爲酒謀幽興。因花寄隱心。留枝防蝨蠹。護葉避泥侵。老眼聞香氣。傾壺共爾斟。最笑雙眸暗。逢人覓菊花。晚香聊自得。不必是陶家。小

野山亭草 卷三
草關生意。勞心盡歲華。何時移就枕。秋影繞牀斜。

野繭

野蠶將就繭。解葉影全稀。鳥雀爭噉食。兒童苦護圍。垂
垂星掛樹。縷縷雪成衣。更欲留秋種。雌蛾捉對歸。
秋蠶堅仍實。山寒畏蚤霜。豐收常滿載。零落不盈筐。絲
吐流黃色。文成金縷章。何年知此法。樗櫟勝條桑。
壓絲出禹貢。憐母或前知。抱葉身藏室。盤絲腹作笥。力
微人代守。食盡樹頻移。野織存真色。山林服更宜。
春蛾將育子。雄者自飛來。配合因人力。盈虛聽物裁。虫

絲天與巧。經緯地多財。得失勞貧富。消藏亦可哀。

四月念三日辰時喜慎行得子

野鵲關人意。花間報喜聲。老夫無妄想。孫子得新嬰。貴
顯非吾願。堅貞望爾成。貽謀存祖德。力學與躬耕。
鳳字題凡鳥。龍孫滿竹林。得熊占地旺。藜桂見天心。鴻
鴈來多侶。填篋有和音。呼衣禮大士。眷此玉森森。

灌竹

舊竹存孤幹。園荒影寂寥。稗龍爭出土。老鳳倦凌霄。曉
汲迎清露。香泉洗翠條。亭亭看玉立。似聽雨瀟瀟。

夜雨抽新粉。辰光破綠霜。無心如傍戶。有意不成行。懶
僕憂頻汲。閒僧記許長。明年倚脩竹。十畝盡簷簷。

耿隱之山中過訪

性癖耽奇汗漫遊。騎驢東海訪滄洲。名山采藥來禽尚
異域搜書得索丘。河朔故人嗟病廢。園林濁酒喜遲留。
爲君滿酌聽黃鳥。明日歸雲不可求。

再和隱之贈韵

衰殘多難休談世。湖海重逢莫問年。藥覓空青無半效。
書焚魯壁少遺篇。人隨明月來天上。夢逐閒雲到枕前。

欲借葛坡龍尾杖。贈君呼作地行仙。

空谷敲門驚晝眠。深山人靜日如年。因時種菊成閒圃。
得句題蕉不滿篇。酒醉人扶藤杖側。花開客到藥欄前。
援琴欲伴成連去。海上風濤問水仙。

黃河青海千餘里。越水吳山動隔年。不死尚傳鵬鳥賦。
達生初愛馬蹄篇。齊梁奔走藏身後。鄒魯文章讓客前。
堪笑乾螢隨劫火。空成豚望不成仙。

溪上晴嵐帶綠煙。攜將藥裹問延年。誰傳服食黃精法。
自注道遙絳雪篇。愧我老隨飄絮後。感君同醉落花前。

由來高士多離俗。鶴骨翩翩似謫仙。

東昌耿隱之將入山訪習仲招之同集椽谷

千里騎驢過海濱。青山落落岸綸巾。舊聞魯國多男子。偶向齊東問野人。嶺外白雲遙送客。林間黃鳥似招鄰。知君不厭頻來往。新筍殘紅酒正醇。

命山中人午日取九仙排鼓峯池內九節菖蒲

天中宜採藥。人老覓奇方。石澗通神力。仙蒲發異光。三花香入髓。九節氣回陽。道藏傳蒸煉。吾衰或再強。聞道仙峰頂。石潭不可升。龍蛇盤玉節。神鬼護蒼稜。採

葉雲光動。移根露氣騰。丹方多異效。製法問山僧。

酒盡

客來畏酒盡。春去惜花殘。不醉扶藤杖。閒行到藥欄。日長鶯語滑。林靜蟪聲乾。漱齒臨清澗。烹茶賦採蘭。

山曉

老人曉不寐。蚤起聽啼鶯。煙接嵐光滿。雲開曙色平。殘星林鵲起。遠野牧牛鳴。欹枕尋餘夢。山禽又報更。

山晚

鳥雀投林晚。山高下夕陰。歸雲依樹宿。纖月過牆深。夜

色連諸壑暝煙靜一林老僧將入定鐘磬遠沉沉

獨坐

耳淨聞天籟心清得妙香自然無住着何處可思量溪
水隨流轉嵐光入夜藏紫陽留秘語順逆兩相忘
萬物歸無始誰能識象先苔深隨鹿過草煖任牛眠寥
廓無生地虛空不住天盈虧憑大化明月幾時圓
風雨催遲暮鶯花夢裏過一春閒日少千古亂時多病
眼因書暗衰容借酒醅畏天歌帝力不敢負清和
觀理終無盡逃形亦有窮逍遙惟自得跋扈為誰雄貫

虱輪難射雕蟲技不工茫茫江海外隨地隱冥鴻

山中送別耿隱之

相逢多難後相別病殘時海上無黃鵠山中有紫芝細
看漁父傳熟讀少陵詩莫謂雲峰隔頻來慰我思
谷口春歸盡空齋夏木陰到門聞鳥語下榻對蛩吟有
酒仍呼黍無絃尚抱琴感君千里駕苔徑坐來深
著書鶚冠子逃世鹿皮翁守黑初忘視垂青已得蒙談
詩常苦細對酒尚能雄更憶燕臺事氈裘向雪風
最愛忘機客來尋靜者居論文閒聽鳥呼酒待烹魚入

谷○貪○靈○藥○看○山○說○異○書○白○雲○無○所○贈○莫○使○綠○罇○虛○

耿○隱○之○約○馬○習○仲○過○山○不○至○

文○章○交○有○道○山○水○羨○同○人○幽○氣○存○吾○好○平○心○耐○客○真○綠○
醪○堪○半○夜○紅○藥○尚○留○春○黃○鳥○空○求○友○嚶○嚶○何○太○頻○

看簇蠶

三○眠○食○力○飽○百○日○見○成○功○物○理○當○歸○老○人○生○亦○有○終○
絲○不○掛○體○五○采○竟○同○空○最○似○文○章○士○虛○名○反○累○躬○

代蠶答

吐○葉○光○天○下○枯○腸○煖○兆○民○取○資○何○太○嗇○被○物○本○同○仁○火○

藻○雲○千○縷○機○絲○影○萬○身○化○生○原○不○朽○分○作○綺○羅○春○

喜閱僕孫文獎之

愛○汝○英○而○健○髻○年○有○祖○風○慧○心○初○學○步○短○翮○欲○凌○空○筆○
力○虛○方○活○文○章○苦○始○工○老○憂○門○戶○累○洗○眼○望○兒○童○

戊申端陽同立圃祥集飲艾酒

不○采○山○中○艾○空○追○世○上○塵○十○年○無○此○會○一○病○得○閒○身○綠○
浸○菖○蒲○酒○紅○殘○芍○藥○春○檨○包○香○粽○美○尊○泛○晚○花○新○筍○籜○
迎○時○茂○鶯○聲○遶○座○頻○良○朋○存○野○酌○幽○地○惜○芳○辰○興○到○隨○
人○意○情○歡○任○客○真○籃○輿○聊○代○步○露○頂○久○拋○巾○高○臥○羲○皇○

侶○忘○機○懷○葛○民○醉○來○能○起○老○樂○處○莫○言○貧○泉○石○皆○千○古○
蓬蒿即似鄰安期留採藥歲歲賦靈均

僧李白雨中過橡山舊庵舊事明空因作明字韻
無○住○無○心○出○化○城○芒○鞋○到○處○有○雲○迎○不○妨○桑○下○留○三○日○
未○必○蒲○團○了○一○生○山○作○蓮○花○天○外○落○人○從○橡○谷○雨○中○行○
何須面壁參禪去暫臥空岩待月明

閱丘海石楚村集有感

長○日○昏○昏○但○晝○眠○得○君○遺○句○一○潛○然○儀○秦○同○學○心○多○異○
蘇○李○交○情○道○各○偏○小○技○雕○蟲○憑○世○好○雄○文○繡○虎○幾○人○傳○

憐才不必嫌相妬鍛竈追隨已百年

灑○淚○觀○詩○病○眼○昏○倩○人○高○誦○代○招○魂○精○靈○已○化○龍○光○去○
夙○契○猶○疑○馬○棧○存○頗○耐○寬○腸○吞○野○葛○每○其○拚○命○愛○河○豚○
知○君○生○死○多○爭○勝○怪○字○離○奇○不○敢○論○

丘龍標自南昌司李歸惠仙茅

一○束○仙○茅○亦○有○情○羨○君○冰○署○玉○壺○清○酬○人○不○用○蒼○瓊○佩○
飽○我○如○同○錦○帶○羹○遠○志○出○山○悲○小○草○荻○苓○入○土○傲○黃○精○
應○知○鶴○骨○年○來○瘦○為○借○靈○芽○煉○雪○英○

山園芍藥自四月初旬開至端陽後紅白未盡殘

香襲人舊竹既疎新籜爭勝或以主人還山地
氣自旺因記之以詩

出山二十載舊業已全荒步堞餘松徑臨溪但草堂
比鄰入鶯鴨樵牧放牛羊林竹枯仍伐園芳憐自傷
安知彭澤令復返輞川莊貼石防流水沿崖補短牆
啓門通曲徑借寺轉迴廊覓菊尋佳種栽花想舊方
汲泉晨灌竹秉燭夜傾觴漸覺山靈喜應占地脉長
題詩驚木客酌酒謝花王日本開紅藥千竿發綠篁
龍頭穿銳角鸞影鬪仙裳粉脫亭亭玉葩紛紛片
片秋春歸留嫩藥夏至

有餘香舞蝶羣相逐流鶯樂共將芳菲當上巳
苓蘘及端陽風雨搖難落煙雲節更強年華如可住
丘壑興猶狂山色晚逾好吾今卜壽藏

仲夏自山中復過沙鶴村立先柱史墓碑

負郭沙村及麥秋崎嶇山路此淹留入門臘醞藏猶滿
近水鮮鱗網可求灑淚題碑存歲月衰年扶杖念松楸
孫枝漸遠家聲在華表難忘憶祖丘

和范性華贈韻寄懷

隱几無心過客稀空山誰問首陽薇年當忘世宜高枕

天放冥遊合息機。隔岸飛花白日暮。入林聽鳥故人違。惟餘濁酒陶然醉。四壁蓬蒿獨掩扉。

贈郡城朱公防海東巡

檠戟遙臨大海風。扶桑萬里盡來同。鯨鯢久息天吳浪。羽檄能通鮫女宮。水靜魚龍皆拱北。天高星斗欲朝東。蓬萊路隔浮槎遠。應掃秦碑再紀功。

強歡

愁來強爲歡。命酒成獨醉。淚落酒杯中。酒亦化爲淚。寄愁豈有天。埋憂本無地。哀樂不能忘。情緣安可繼。佛氏

謂之痴。儒家謂之蔽。墨子悲染絲。榮期樂滯穗。彼皆稱達人。遭逢忘順逆。悟道既未通。樂天固不易。呼童再進酒。一笑且揮涕。安得與天遊。不爲物所滯。

夜啼

夜啼驚怪夢。醒後喜成空。魂魄何時定。情緣未可窮。一漚憑起滅。萬念總洪濛。忘境兼忘我。浮生電影中。

夏入西村刈麥

薰風吹南陌。須臾麥已秋。臥病久山居。農事未及脩。驅車過西村。聊爲數日留。夏至多風雨。禾黍交平疇。老麥

耶山亭草 卷三
忌丹黃枯秕誠可憂。刈穫蚤及時。預爲種豆謀。登場僅
四簇。豈敢望篝篋。懷新感大造。時食薦荒丘。眼病復多
悲。知有來歲不。命農種秋菜。菁葡萄急所求。牛力固已疲。
歲功安可休。謀食媿野人。聊以慰窮愁。

負心行

莫救人救人無益多。負心莫仗義。仗義輕財反成隙。不
如冷眼休出頭。也無感激也無讎。君不見山中狼求生。
免死竄道傍。墨子垂橐出刀俎。却思食肉充其腸。惟有
靈輒報宣子桑。間一飯酬以死。

五月二十六日爲先太夫人誕辰失恃二周墳草
將宿昔則承歡今則隔世是用再脩生禮竝薦
新麥哀不成章以歌代哭

人生固有歸百年如旦暮明發信有懷三年如轉燭在
昔開壽筵兒女爭歡祝縣官治羊酒伶人喧絲竹千里
必趨庭華髮常在目。命回大梁歸期及海屋。轉眼成
終天。流光何迅速。衰服歲將周。墳草春已綠。感此長恨
端。新麥薦芬馥。事生未得酬。何用悲風木。

驅鳥行

落日白楊樹原野風蕭蕭下有二親墳高壘鬱焦堯
松盤孤根脩栢交長條青葱多佳氣衆鳥羣來巢初疑
爲瑞應久漸成枯焦鶯鷓夜爭宿踐踏滿林梢水鶴銜
河魚哺雛相叫號盤據不肯去松栢秃無毛射宿吾不
忍彈擊敢辭勞哀哀風木心撫樹痛伊蒿

悲來

悲來誰共語老志未能齊強飲心難醉常眠夢屢迷舊
遊千里鴈新淚五更雞不寐惟深省慈烏遶樹啼
不識歸何處招魂夢不來或因人世隔疑有鬼神猜浩

氣果常在靈心豈易灰冥期曾定約底事未能回
已知生死絕常似遠將歸雪渡黃河水雲迷嵩少衣天
高疑路失魂斷與心違自古無回首安能戀舊闈
雛燕歸旁舍飛花棄故枝堪憐無益淚徒作有情痴託
母言空切辭兄語太悲幽魂如不沒鄰壤已同期

西河溺愛道力未深歲月將周心傷離索悼逝者
之有情憫愛根之無盡故於悲來之後終之大
化廣以達觀用消幻想云爾

大化無停輪生滅遞相代冉冉百年人相顧復誰在大

火生南極微月升西海人命如金石榮枯當不改
芬芬桃李華亭亭蒼松木貞脆雖異時顏色亦非故滄
海變桑田丘陵轉深谷何用哀人間乾坤終局促
生存華屋客自奉苦難周三日臥不起無論公與侯割
絕平生親挽手安能留既言眷所愛何事不回頭
萬化本無盡循環皆有終以茲三聖人最上惟一空春
華苦不實秋鳥聲難工情緣如可久天地數亦窮
入城阻雨與楊魯生李彭仲渭清王闇思小集
老病成幽癖畏人不入城舊廬荒草滿久雨竈蛙鳴對

酒消離索新聞感世情渡河憂水漲歸晚失秋耕

寄李渭清時寓南山

新設河汾帳依人半隱居仰天時看鳥避地不求魚粟
里村非遠蓬門跡太疎世交嫌熟輒細讀古人書

雨中邀牛公赤不能至

山齋連夜雨溪路幾朝陰聽鳥思沽酒歸雲欲返林泥
深愁客渡河急怕驢沉何似相傾倒瀟瀟醉不禁

愁歲

積雨禾生耳連陰麥出蛾村行惟潦水時序失陽和稅

急烏瞻屋田荒草沒阿空倉聞雀噪歲暮欲如何

宋澄嵐先生以文事被誣得解

孔雀憐金尾山雞惜錦毛被羅因色異多累為名高出
蹇知天道明夷感

聖朝含沙空射影投畀莫辭勞

挽澄嵐客襯

名重文章伯學推風雅宗鄉閭通德里海岱丈人峰野
喪道仍在行孤國莫容幸猶歸永命留得歲寒松

山中遙祝蔣邑侯初度

仙署鳴琴湧瑞雲清風瀟灑入南薰政無繁劇宜耽酒
里有絃歌可論文海上添籌增鶴筭天邊飛舄起鳧羣
野人欲贈安期棗遙祝豐年報使君

劉木齋司李楊公含進士偶過山樓有缺展待

窮巷無車馬空山斷薜蘿到門乘興盡看竹竟空過煙
景如相待泉聲聽若何續遊知不再偃蹇臥巖阿

阻雨

出山已彌月阻雨未能回河溜村村水城隅夜夜雷驅
車愁不渡種竹恐遲栽為問東籬菊莓苔半草萊

雨中種竹

細雨宜栽竹。連陰好養花。不須占甲子。且得慰年華。幽事當求醉。濁醪何用賒。向來無酒伴。潦倒亦堪誇。

入山消暑

山深不受暑。亭午結層陰。濯足清流澗。披襟綠桂林。當牕橫臥簟。對酒倚鳴琴。入夜涼颼滿。還愁秋氣侵。日色不到地。脩竹近寒泉。落落長松下。能清一枕眠。佛香清午夢。花氣出晨煙。半醉烹新茗。臨流聽暮蟬。

康熙戊申六月十七日火雲起於西北如赤血中

有雷聲須臾大雨如注霹靂交作至夜戌時地震自西而東隱有雷聲起自地底房屋傾折牆壁倒豎屋瓦皆飛人不能立余幸樓傾不死如有人扶掖而出百里之內民皆露處三日地動未已作地震詩記異

聖朝調燮多元宰。蚤建神功奠九區。地捲山搖轉轆轤。六鼇力盡海桑枯。乾坤尚有八荒在。環堵今方四壁無。煉石誰能扶帝載。凌虛何用出洪爐。

欲向空中駕鋏船。恍如拔宅學飛仙。百年駐足原無地。

萬○死○逃○虛○似○有○天○掃○盡○遠○廬○隨○劫○火○頓○超○陵○谷○上○雲○煙○
九○霄○下○視○鞭○雷○霆○拯○溺○安○能○訴○帝○前○

聖朝寬大多新政

上帝垂慈本好生

立化無心憑物造

陰陽有數任人爭

夢遊槐里家何在

蜃幻樓臺世易傾

天欲掃除消夙累

陸沉頓覺一時平

火雲初起稚雷隨

萬井颺輪一夜馳

疑遣巨靈搽地肺

俄驚許遜驅妖螭

人民非故悲城郭

里巷同居借釜炊

欲寫鄭圖無路上

老夫和淚強裁詩

地震後喜兒孫入

山城中故廬傾盡

時慎謀忌日

悲喜交集

天○地○洪○濛○日○立○黃○戰○鬪○時○全○生○非○倖○免○大○劫○莫○言○悲○哀○

樂○原○平○等○蕭○條○是○福○基○杞○憂○還○未○定○勉○矣○各○支○持○

百○年○逢○劫○運○老○去○未○平○成○苟○活○關○天○數○隨○人○了○死○生○有○

家○皆○盪○滌○無○鬼○瞰○高○明○清○白○存○先○德○蓬○門○亦○可○耕○

士○貧○嫌○重○賦○世○亂○忌○高○門○幸○不○存○鐘○鼎○安○能○累○子○孫○藏○

身○三○畝○宅○謀○食○幾○家○村○但○可○庇○風○雨○何○勞○數○仞○尊○

地○陷○天○猶○動○城○傾○民○尚○疑○鄰○雞○無○返○舍○秋○燕○但○巢○枝○露○

宿○憐○兒○女○林○居○少○障○籬○懷○安○何○碌○碌○幸○不○涉○災○危○

自椽山入九仙山崩塞路峰石多裂同諸僧露宿

山頂

龍去山猶響。鼇潛地尚虛。人民猿鶴化。城郭海桑餘。谷
鳥空啼樹。林僧失定居。蠶叢無路上。露宿白雲墟。
石壁紛如剪。靈峰勢若翻。陽烏藏黑海。陰火戰空崖。
覆樓將墜。泉枯水亦渾。地車鳴未已。三徙度朝昏。
天近星光動。雲低露氣升。無家空羨鳥。有劫每依僧。世
路知難駐。靈風未可乘。欲尋赤松子。暫住薜蘿層。

龍潭書院王道士過招

孫子讀書處。青牛久化龍。依岩開石壁。伏火隱高松。五
遯能消劫。三花可秘宗。草堂仙夢足。雷雨護前峰。
萬壑響風濤。千山盡動搖。如何三尺屋。依舊倚雲霄。丹
鼎誰爲守。雷車不敢燒。近招遼海鶴。共渡赤城橋。

賦贈李松樵葛鞫

採葛南山下。拋鞋着葛鞫。穿雲凌絕壁。臨水渡清流。不
厭青苔滑。堪隨白鹿遊。世間珠履客。曳足欲何求。

六月二十九日立秋。是日風雷頓斂。天地重朗。
遇劫知無我。存生幸有身。乾坤經大創。天日覺重新。禾

黍悲秋蚤風雷感物真何來愚闇子言數不言人
有以訛亂得鍊履大仙奉

上帝勅旨云下民造孽地震之由謹遵全經代爲訓布以
報昊天生存之恩云爾

無劫不知悲見劫始知苦幽明理無間生殺迭爲主勢
巧相凌奪金玉成灰土用盡蟲蟻心安知死無所
上帝垂訓戒盡殺惜愚蒙久聞多不信臨危未悔衷暫止
風雷威條示警贖孽哀哉爭小慧安知與天通
尊貴乘天爵舉世仰其生鼎烹徒飽祿華軒耀寵榮憑

勢擇人食得失互相傾禍福如循環胡不持其平
士爲百行先立言非一端恣才梯富貴滿志逞波瀾積
習能敗俗蔑聖但守殘盜名與喪道終不免憂患
商賈利居贏取財宜有道澆僞競刀錐百貨日短少侵
剋及鬼神貪詐同姦盜水火與疾病敗耗喪其寶
聖朝有憲法狐鼠安敢私上下交征日姦蠹弄權時借叢
開鉗網昏夜分膏脂狼貪雖暫飽天譴詎能遺
聖佛留三教普度啓愚迷欺世借神明貪恣過丞黎陰
譴化異類陽禍安可齊所以緇黃客逞逞墮泥犁

大造分陰陽。女子居其半。愚痴既寡識。淫毒復釀亂。長
舌爲厲階。牝雞乃鳴且。天律有極刑。因其惡滿貫。
天機不敢洩。

帝命當廣傳。不傳恐遭譴。言多復招讐。劫運怒未已。天心
難久憐。願君三自省。覆轍已昭然。

祈禱多君子。司符有趙清。戊申地震後。雷雨夜傾城。乩
仙稱鍊履。

帝命示羣生。遵旨爲傳布。神經卽刊行。

北俗以帳房代屋。地震後聊以效俗入房而雨至。

捲幔復何如。移牀就四虛。無牆堪作屋。有地卽安居。避
雨燕巢幕。藏身蝸戴廬。天心仍見妬。足下響雷車。
竿木隨身小。粘廬作布輕。一肩挑宅去。三尺駕舟行。始
信樓臺幻。無勞丹雘營。卽堪名陸舫。雷雨不須驚。

京報云七月初九日地大震。民當移徙。余病目七

旬待盡而已。橡谷草堂可以永命。同立圃共候
三齊地裂。巢居覆千里。驚傳大水來。太史占星將草昧。
神州八劫欲飛灰。電光影裏翻碁局。雷火聲中命酒杯。
一醉不知元會盡。草堂松下自徘徊。

自初八日至初九日天復晴朗人心少安
地○老○天○荒○草○木○愁○尚○容○覆○載○臥○林○丘○非○關○太○史○占○星○誤○
自○是○神○工○劫○運○週○野○宿○千○家○悲○燕○雀○浮○生○一○夢○歎○蜉○蝣○
應○知○帝○力○窮○還○轉○惟○有○人○心○死○不○休○

秋郊野哭

最○苦○心○難○了○偏○從○觸○處○生○存○亾○千○古○恨○哀○樂○百○年○情○大○
化○終○歸○盡○奇○窮○久○亦○平○試○看○秋○社○燕○巢○就○竟○何○成○
改○道○人○夜○過○經○壇○醮○畢○卽○歸○時○年○七○十○有○八○
夜○壇○鐘○磬○寂○山○月○欲○三○更○犬○吠○雲○中○客○鶴○來○松○下○聲○帝○

經神鬼侍天樂鳳鸞迎步斗歸何速知君道已成

地震彌月又搖動不已

玄工不可測雷雨未全收世界如浮蟻乾坤似漏舟杞
憂成妄想爛醉是良謀但得逢生理蒼蒼何所求

秋感

千林風雨夜瀟瀟節候催人入寂寥老去方遭今古變
愁○來○驚○看○海○山○搖○秋○鶯○啼○樹○畏○寒○近○晚○燕○辭○巢○怯○路○遙○
物○理○天○時○已○如○此○急○將○村○酒○醉○漁○樵○
荒○煙○衰○草○暗○林○垆○落○日○秋○蟬○不○可○聽○地○坼○龍○蛇○爭○出○沒○

天○高○雷○雨○戰○玄○冥○遠○村○野○宿○明○炊○火○孤○寺○疎○鐘○禮○梵○經○
老○病○無○歸○憑○造○化○浮○沉○久○已○任○逃○形○
聞○道○三○山○弱○水○枯○倒○翻○白○浪○落○蓬○壺○巨○鼇○虛○負○神○州○影○
砥○柱○空○成○海○市○圖○石○破○蝸○皇○啼○夜○雨○山○移○夸○父○逐○陽○鳥○
人○間○別○有○煙○霞○路○欲○向○瀛○洲○問○葛○盧○
最○苦○睡○多○行○處○少○更○嫌○晝○短○夜○初○長○秋○雲○帶○雨○時○飄○瓦○
新○月○懷○人○尚○照○梁○度○劫○每○憑○叅○佛○力○達○生○不○問○學○仙○方○
歲○寒○莫○道○陽○春○少○松○栢○年○年○色○自○蒼○
百○年○剩○有○芰○荷○衣○烏○几○長○鏡○生○事○微○病○少○精○神○隨○日○減○

老○無○親○故○覺○人○稀○南○山○豆○盡○存○箕○釜○東○海○魚○乾○失○釣○磯○
楚○子○獨○醒○陶○令○醉○前○賢○哀○樂○是○耶○非○
西○風○吹○鬢○老○年○華○夜○夜○歸○林○聽○暮○鴉○沿○圃○匏○瓜○秋○抱○蔓○
盤○牆○豆○菽○晚○開○花○爛○柯○碁○罷○因○忘○世○採○藥○丹○成○不○見○家○
元○會○祇○堪○彈○指○過○峰○頭○把○酒○望○星○槎○
空○傳○古○史○多○災○異○未○見○臨○時○動○魄○魂○芥○蟻○何○知○天○有○路○
桃○虫○安○識○地○無○根○烏○啼○月○落○山○山○靜○蟬○噪○林○空○處○處○喧○
欲○遣○百○憂○頻○對○酒○消○沉○大○造○不○堪○論○
空○齋○夜○靜○聞○天○語○老○樹○傳○聲○撼○夢○回○地○湧○黑○風○吹○海○起○

雨○翻○白○浪○捲○山○來○畏○雷○危○坐○思○忠○信○出○火○驚○看○盡○劫○灰○
學○道○平○生○無○定○力○陶○然○一○醉○隱○蒿○萊○
霧○散○雲○開○尚○有○天○依○然○墟○落○見○人○煙○世○如○上○古○求○巢○木○
家○似○浮○虛○寄○渡○船○海○上○鷓○鴒○猶○避○地○山○中○麋○鹿○且○忘○年○
喜○看○剩○水○殘○山○在○獨○許○行○吟○號○醉○禪○
南○山○石○爛○夜○漫○漫○海○客○歌○殘○夢○未○安○園○菊○連○荒○秋○色○老○
霜○梧○半○落○雨○聲○寒○每○因○懷○古○天○難○問○縱○有○傷○心○歲○易○關○
幸○不○著○書○容○閉○目○詩○成○留○與○野○人○看○

劉中丞奉使海上察民災異

帝遠民難訴天高地易沉

聖朝除弊政元宰代爲霖
露冕行田隴驅車下海岑
井廬漂潦水氓戶宿寒林
野火懸炊釜秋聲斷夜砧
積骸連巷陌婺婦哭牆陰
不測風雷意安知造化心
催科猶未已敲扑更難禁
大劫人無悔神威怒尚深
普天望稷契砥柱復誰任

自傷

人○間○何○事○最○堪○悲○七○十○老○翁○父○葬○兒○鳳○有○羽○毛○飛○不○就○
龍○成○頭○角○去○如○遺○眼○看○稚○子○誰○相○養○手○錄○名○文○未○忍○窺○

聖諭地震大赦天下錢糧野臣亢賦詩誌頌

戊申中秋得

地軸風雷劫未消輪臺恩詔下重霄冲年

天子憂民痛暴骨窮黎感

聖朝未見烹阿收墨吏已聞吹律潤枯條哀哀野哭無家者幸免徵徭到芻蕘

積晦窮陰連朔漠巢居野宿遍山川狂瀾砥柱仍留地煉石排空更補天四海蠲徵千古少萬方歌舞一時全

還憂德薄民無福食粟難耕不稅田

中秋日陰雨不止

病聞喜詔驚難信夜靜秋淋起更疑老樹呼風連地動妖墓食月少人知百年哀樂憑佳節隔歲陰晴豈定期村酒園瓜堪自勸老人不醉復奚為

中秋雨後見月獨臥

雨後空山見月華中堂客散但棲鴉酒虧舊量歡場少病入新秋老態加何處敲砧連蟋蟀幾人清夢隔蒹葭良宵樂事無餘興白露荒亭照晚花

中秋前一夜夢龔芝麓先生同遊

竹林客散歎離居○夢裏笛聲到故廬○珠海光潛因瘞硯○
瓶梅香盡久焚書○秋風錦字無鴻雁○明月空梁有珮琚○
千里相思難命駕○當時揮淚憶停車○

勉僑孫夜讀

空山風雨後○暗室一燈明○自失論文子○愁聽夜誦聲○才
高○心○易○恃○功○斷○業○難○成○努○力○冬○三○月○人○生○貴○有○名○
多○難○傷○心○後○衰○年○懶○教○兒○雛○鷹○秋○始○擊○神○駿○怒○方○馳○異
質○天○偏○授○勤○脩○事○莫○遲○從○來○登○達○者○常○在○少○年○時○

依祖遵家訓○思親念蚤孤○科名傳世業○田舍豈良圖○筆
是屠龍劍○心爲照乘珠○百年如電逝○溫飽困庸愚○
過目十行下○明心萬卷通○鬼神開慧力○冰雪發孤衷○寡
欲存朝氣○冥揆在夜功○老人真樂事○整翮待秋風○

秋日卯飲

落葉寒蟬聲漸稀○秋鴻春燕兩相違○豈甘卯飲時時醉○
自覺殘年事事非○鶴夢雲迷松易老○鹿門霜冷蕨難肥○
蓬山信杳無靈藥○伏枕長吟獨掩扉○
莫棄田家老瓦盆○野人不醉亦昏昏○隔鄰蚤起呼山友○

小飲成狂得上尊。坐送孤鴻投海嶠。行尋荒菊到籬門。
漁樵休問人間事。潦倒霜林紅葉村。

山夜聞雁

孤雲漂泊水蒼茫。煙渚蘆沙路正長。客館驚聞聲歷歷。
遙天相接影行行。書橫塞北人千里。夢到江南月一方。
最是離羣難寄恨。何時春信返遼陽。

銜蘆出塞

鴈門風急朔寒侵。瀚海天山日影沉。避地自緣霜雪候。
離鄉非有稻粱心。爲酬蘆葉輸關稅。不寄音書到上林。

珍重中原多網弋。衡陽歸路蚤相尋。

接翼排天

晴空無際落霞重。疊陣同羣斷復從。影界青霄唯有字。
聲留明月過無踪。天涯兄弟時相聚。海內山川遠莫逢。
計日圖南還拱北。年年飛渡楚江峰。

沙汀夜月

汀寒沙闊晚生煙。高下羣棲對影眠。八陣圖聯魚復浦。
六書沙印鳥官篇。吳江楓葉丹垂樹。楚岸蘆花雪滿天。
更喜驚飛聲不亂。朝來行續各依然。

江海秋風

逐隊分行劃碧空○衡山遼海任搏風○霜前健翮三秋起○
春後歸心萬里通○寒暑推移天地外○江湖飛遯歲時中○
高低無用誇鵬鷁○物外逍遙樂不同○

瀟湘渡雪

細雨斜風去不休○洞庭霜老已經秋○同雲夜滿蒹葭水○
積雪光連杜若洲○失侶孤鳴驚客夢○羣飛清影照寒流○
南來寄得鄉書否○人在湘江天盡頭○

沙漠回春

旅食風霜歲已違○江南春色正芳菲○明妃塚上草將綠○
屬國臺前雪半稀○楊柳曲中吹玉塞○梅花笛裏轉金微○
羨君南北隨時令○多少長安客未歸○

眼病後覓牡丹栽

東林花圃久蒿萊○更向名園乞舊栽○眼暗常觀空外色○
神遊如見夢中開○月明秦嶺懷仙珮○雪盡孤山覓落梅○
自古高唐終想像○何勞神女下陽臺○

重陽山齋夜雨

少玉送蟹

瀟瀟夜雨逼重陽○獨宿空山薜荔房○破壁長吟蛩對語○

聖山亭草 卷三
送天孤炭鴈息鄉未勻霜葉林先紫半老秋光菊漸黃
無用登臨息酒伴持螯初得蟹如匡
寂歷山扉夜起煙寒宵高枕獨凄然溪雲帶雨穿林響
野菊聞香隔岸傳老境翻嫌佳節逼秋悲更較客愁先
不堪回首茱萸會淮蟹江鱸憶少年

重陽後一日鑄九過山中

曾聞望氣尋山法近覓藏形種玉方隔日重陽逢宿雨
連宵話舊對匡牀老譚少壯心猶熱醉論詩文病更狂
莫向海村促歸路百年聚散幾歡場

送鑄九回海屋村

山路雲深雨濕衣留君暫住待晴暉仙茅煮酒香初透
佳菊移栽開未肥家有元方多令器人如叔度久忘機
應憐古調兼同氣老伴追隨覺更稀

僧去招僧

佛火無煙僧遠遊石門深閉鳥聲秋峰高不礙雲常遶
月皎何妨水自流鶴老松喬陵谷變烏啼霜冷薜蘿幽
由來暗室傳燈少香積糧空一鉢留

臥雲閣九日落成

草閣初成霜樹邊○淡煙微雨菊花天○收來紅葉千林醉○
偷得白雲一榻眠○此日登高容泛酒○因時漫興偶成篇○
老人不作悲秋賦○欲枕加餐付歲年○
隱几無心築菟裘○依山架棟起高秋○三間草榻雲千頃○
十里松煙月一樓○無用捫星窺帝座○何勞泛斗下滄洲○
消沉大化唯高枕○五岳逍遙得臥遊○
小築何緣號臥雲○知余大夢久離羣○鹿迷蕉影人難覺○
蟻醒槐陰世已分○青史案中悲日月○黃梁榻畔笑功勳○
年來閉目羲皇上○落葉空山靜不聞○

擬脩煖閣過殘冬○向晦求安得自容○欲養梅花依矮榻○
閒煎茗椀坐高春○身藏估屈成蟠木○蟄法希夷效臥龍○
不必登樓勞遠眺○醉眠唯聽隔鄰鐘○

移菊

今年菊病移時晚○地裂苔荒風雨多○點綴寒林金錯落○
蕭疎孤影玉婆娑○登盆繞屋留秋色○近榻分香入醉醪○
佳種春來蚤培護○重陽還待酒人過○

洗壁覓舊詩仍用舊韵

三十年前舊板扉○詩題風雨短牆圍○燕巢泥汗餘殘墨○

蝸印苔痕上壁衣。烏跡頓驚年代改。龍光未逐劫塵飛。
當時醉興多揮灑。臆下紅梅花正肥。

贈郭蒲臺地隱

舊祖仙人郭景純。學從山海得天真。五陵春色懷中鏡。
九點齊煙眼底塵。曾築金臺收駿骨。爲尋劍氣過龍津。
移家欲傍盧敖隱。親向琅邪看日輪。

秋盡

秋盡重陽菊漸稀。畏寒初換舊綿衣。鶯花隔歲年將暮。
霜雪催人令不違。遠塞征鴻何日返。舊巢故燕幾時歸。

勦營煖閣烘鮐背。煮酒圍爐晝掩扉。

秋盡地震未已同諸友醉飲守夜得休字韵

莫怪歡場樂未休。百年聚散幾經秋。南溟已任鯢鵬化。
大廈無勞燕雀愁。五夜青燈人不寐。千林紅葉酒初篋。
尚容湖海高陽氣。天地浮沉共一漚。
落葉堆牀倦掃除。已將山色付焚書。經年地動天難問。
長夜燈明尊易虛。強作狂歌酬衆樂。閒依醉客遣愁餘。
老來多病無雄飲。四座歡呼似起予。

醉贈松樵同宿山房得遊字韵

懶將汗漫作盧遊○採蕨樵松共一丘○四海徒行忘麤豕○
百年同醉任蜉蝣○狂歌但恐驚山鬼○夢臥真如聚野鷗○
今夜長吟期達旦○鐘聲敲動滿林秋○

夜闌諸客倦臥詩成強起之再得冬字韵

秋山朔氣入初冬○夜半詩成興轉濃○孤寺僧歸遲晚磬○
空林客坐待晨鐘○人能昏醉天常恕○地隔塵囂世易容○
酣臥酒牀呼不起○霜風如雪灑高松○

夜成四律雜唱將曉再得多字韵

醉醒無端得句多○客眠其奈苦吟何○燈荒酒盡膏難續○

筆渴詩長硯更磨○一任雞聲分曉夜○終留鼈背奠星河○
中宵起舞成殘夢○拔劍聊爲砍地歌○

嵩山三空禪師過山相尋

別來閉目苦迷津○老去傷心歷劫塵○二室舊遊成幻想○
三花禪定負前因○梁書上後遭羅雉○魯壁經殘歎殞麟○
重遇嵩陽飛錫過○金鍼何法撥瞳人○
崧雲何事不歸山○瓢笠棲遲道路艱○爲汝安心無掛礙○
向人饒舌費機關○桑間三日猶難住○草色千門自未閒○
欲向此中求寶所○白牛西去幾時還○

耶山亭草 卷三
殤女後寄楊魯生姻親

綠水紅蓮一朶鮮。朝來風雨化妖煙。死生見慣渾無淚。
兒女情深信少緣。玉山藍田難竝佩。絲分綉幕未同牽。
援琴欲鼓聲先斷。安得鸞膠續此絃。

送嵩山三空和尚赴京化緣偈

長安北去路漫漫。要化人緣見大官。不見嵩山人不捨。
見山還作等閒看。
自古高僧不出山。問師何事到人間。浮圖築得高千丈。
不及白雲一衲閒。

為吐狐涎先洗臟。欲求美女須吞針。走遍天涯無長者。
祇園布地少黃金。
地水火風今日劫。山河日月此時愁。如能大起嵩陽殿。
蚤建神功鎮九州。

挽河南宗伯薛老師寄冢君衛公都諫

米市南頭陸舫西。酒壚鍛竈日相攜。聽經絳帳聞雞唱。
縱飲青門伴馬蹄。薊北勳名推謝傅。河東家世近昌黎。
誰能再下南州榻。梁木興歌路已迷。
國寺追隨日看松。醉眠燕肆得從容。狂歌共過花燈市。

劇飲同聽雪後鐘。好事每推丁敬禮。知人獨感郭林宗。
更憐濟美多兄弟。客路歡遊有六冬。
前年避地過龍門。花滿翁園酒滿尊。四壁松筠藏墨帖。
一門星斗映台垣。虞卿何必酬雙壁。季布從來重片言。
幸得春風留客住。難中獨有趙平原。
聚散升沉歷此身。老來哀感倍傷神。百年文酒誰知己。
四海交遊半古人。天地震驚隨劫火。河山隔絕少通津。
應知世德家聲遠。玉樹河陽歲歲春。

寄國子司業程翼蒼

寒梅春雪遠相望。一飯桑間久未忘。詩渴尚餘苾蔗味。
酒饒常憶木瓜香。談經虎觀升臯比。問字螭頭識畢方。
此日中原待調燮。遙分霖雨到遐荒。

冬至日山中寄龔芝麓大司馬兼呈時事

一陽起處歲星催。鈴閣風清憶上台。肥水自能閒賭墅。
庾樓誰共嘯登臺。葭灰氣應天心轉。黍谷春從斗柄回。
盱日時艱息拯溺。元公莫惜濟川才。

敝廬

敝廬創業自前朝。東武西門柱礎高。何意乾坤成板蕩。

無端風雨任漂搖○百年甲第時難復○三世恩榮澤未消○
留得北園松竹在○兒孫固守莫辭勞○

十月見北虹

黑雲變滅知何極○十月玄天掛北虹○月○今○每○宜○藏○不○見○
天○時○頻○異○理○難○窮○因○經○世○難○愁○風○雨○怕○應○民○謠○指○蝮○煉○
無用杞憂憑大造○虛舟飄泊付鴻濛○

夢中得子育之時仲冬廿二夜

夢中得子在林檎○襁褓歸來仁者心○拜托高堂為寄養○
由來慈母是觀音○

老人妄想為情痴○夢有遺珠喜更疑○弱息投懷成一笑○
化身還想百年期○

耿隱之書來

端陽別後入殘冬○把酒臨岐醉倚松○奇字寄來疑鳥篆○
高○文○難○聽○似○龍○鐘○乾○坤○簸○蕩○人○長○在○天○水○迷○茫○雁○尚○逢○
誤覓黃精得鈎吻○春遊荷鋪好相從○

贈馬維斯藥室

懶將老病問岐黃○扶枕經年不下牀○天失陰陽多恠疾○
民因天癘少奇方○近迷青眼丁難識○偶得白眉馬最良○

肯過荒山尋秘藥松間苓朮待庚桑

戊申臘朔蚤起禮佛

風雪催人入暮年空山寂歷夜生煙村飢凍雀晚猶噪
谷靜寒梅春自妍治亂不驚因讀史遷流任運莫占天
聞鐘蚤起參禪罷臘釀新筍好醉眠
經年高臥竟何營雲海茫茫夢裏行詩不苦吟聊送老
家如久客尚謀生閒培竹徑添階土醉聽松風落雪聲
自古深山無曆日春禽得氣已先鳴
大化推遷若轉萍浮生醉夢幾時醒重來華表人疑鳥

隱去嚴陵客是星生死劫中觀造物干戈叢裏闢禪扃
側身懷古渾無賴七十年來一草亭

方丈留僧掛草鞋蒼苔黃葉滿空階佛香出院迎春氣
山鉢空廚辦臘齋耽酒每逃禪客棒焚書久與世途乖
隔年預計尋梅柳老去童心更若孩

渭清自南山過訪

殘年擁被不開關有客敲門忽破顏憐我似尋霜後菊
對君如臥雪中山水溪凍滑愁難渡椽壑雲收近可還
雞黍肯留十日飲舊詩滿篋好爲刪

再次渭清題臥雲樓韻

別業南山舊有廬○依雲駕壑起樓居○空中雞犬三天上○
世外風雷一枕餘○未敢求仙思拔宅○或能絕粒得凌虛○
元龍百尺勞君臥○湖海雖遙氣未除○

同渭清祥集姪夜坐

煨爐煮芋野人家○夜色空濛月影斜○
透屋寒煙薰栢子○半牀清夢賦梅花○
林間巢鶴鳴殘雪○嶺上明星帶曉霞○
酒盡詩成山客散○宛如白露隔蒹葭○

山中送李渭清

臘日凄其山氣昏○凍雲寒樹靜相存○
鄭真入谷聞聽鳥○裴迪譚詩夜到門○
嵐色煙籠開曉幃○石稜冰齒出霜根○
歸途得句應先寄○不見梅花亦斷魂○

膠東王逸庵侍御甲辰冊封琉球歸過東武時值

端陽縱飲達旦今五年矣其國王留余續書在

島中今焚書無存者寄詩誌感

南溟萬里使星回○東武菖蒲泛酒杯○
仗節乘軺還北斗○惠文曳履上西臺○
焚書不入石渠秘○異域猶傳海岱才○
縱飲追歡今已老○白雲遙望隔三台○

送任仲玉赴國子司業時弟少玉候選縣令
魯壁春風破客寒。國門桃李待春官。漢推經術多元宰。
唐重名流借羽翰。天子闢門新釋菜。羣儒環帳慶彈冠。
龔黃亦是風塵吏。內外書屏號二難。

臘盡漫興

終歲惟高枕。經旬不啓關。那無詩度日。始借酒開顏。
山影生霜雪。溪聲響珮環。眼看春色近。策杖任躋攀。
歲紀行將轉。今年大不同。春回龍戰後。臘盡鳥聲中。
漠天難問。茫茫數莫窮。止堪村酒熟。留醉與山翁。

窮老家無計。深居地轉憂。竹煙生積雪。松月照寒流。
詩率憑人寫。杯空與婦謀。古稀看已過。此外更何求。
山僻雲埋屋。天寒月掛村。鄰飢時借米。客至漫傾樽。
樵語聞空響。鐘聲息靜根。無心思舊境。春夢亦消魂。
夜靜颼寒葉。原荒下夕煙。殘年思舊債。守歲計餘錢。
婚嫁行將畢。山林興尚偏。松巢棲病鶴。瘦骨自翩翩。
精力時時減。新詩歲歲多。見聞傳怪事。災異失陽和。
不寐常宵起。閒愁惜日過。來年知健否。頭白老巖阿。
把酒憐孤盞。題詩愛滿牆。情多拋不盡。日短計空長。良

友時相夢。新書遠莫將。蒹葭秋漸老。白露已爲霜。
歲盡無心力。陽崖冰漸開。寒風猶勒柳。春氣欲烘梅。香
燭忙年事。雞豚薦臘醅。太平如何待。行樂在蒿萊。

天末懷人

故人在天末。良會渺難期。歲宴餘冰雪。途長足夢思。酒
樓吹笛夜。花市放梅時。遙憶京華客。無緣贈紫芝。
伊人不可見。江海正多風。近日棲高鳥。寒雲斷鴻呈。
辰○鼇○背○上○霖○雨○履○聲○中○補○燮○勞○真○宰○漁○樵○待○化○工○
千○古○文○詞○事○推○揚○有○後○先○名○從○京○國○起○賦○自○洛○陽○傳○馬○

骨因人重。龍門好士偏。淮南有叢桂。相對是何年。
才大文章伯。名高河朔宗。中原相司馬。湖海識猶龍。官
閣梅花細。習池竹葉濃。誰知丘壑老。常憶寺門松。
自○失○高○陽○侶○長○安○散○酒○徒○臺○空○名○馬○賤○氣○暗○寶○刀○孤○文○
藻○推○陶○謝○風○流○說○顧○廚○寥○寥○江○漢○闊○同○調○一○人○無○
積○雨○連○畿○甸○陰○雲○遍○朔○荒○窮○簷○息○夏○屋○舉○室○坐○垂○堂○
聖主恩方溥。羣公義不忘。何時吹煖律。寒谷滿春陽。

歲暮懷孫健之兼寄松酒海錯

橡壑巴山百里餘。風霜歲暮歎離居。年華過眼身如客。

世○事○傷○心○夢○已○虛○天○地○震○驚○猶○縱○酒○聰○明○謝○絕○尚○耽○書○
甕○頭○臘○釀○松○花○滿○遙○寄○相○思○又○歲○除○
蓐○食○畏○寒○不○下○牀○經○年○伏○枕○倚○東○牆○兒○孫○長○大○翻○難○恃○
故○友○凋○殘○止○自○傷○久○病○空○囊○因○費○藥○長○貧○望○赦○尚○徵○糧○
何○年○載○酒○淮○陰○壩○更○向○沙○頭○倒○巨○觴○
猶○憶○東○郊○共○醉○呼○連○宵○達○旦○笑○模○糊○逢○僧○捉○鼻○強○同○飲○
跨○蹇○爭○拳○不○許○扶○逃○席○尚○追○三○巨○斗○過○街○驚○避○兩○狂○奴○
回○頭○二○十○年○前○事○病○臥○南○山○淚○眼○枯○
垂○髻○白○首○百○年○心○歲○月○輸○人○老○不○禁○閱○盡○浮○雲○多○變○態○

聽○殘○流○水○少○知○音○鏡○中○飛○電○光○難○續○花○外○遊○絲○遠○莫○尋○
一○自○焚○書○惟○閉○目○舉○杯○相○憶○但○長○吟○

除夕前五日獨酌

鵲○噪○雞○鳴○天○曙○開○陽○光○淑○氣○暗○相○催○雪○消○北○地○將○舒○柳○
春○到○南○枝○欲○放○梅○橘○子○皮○香○紅○破○殼○松○花○酒○熟○綠○沾○臺○
來○年○健○否○今○休○問○臥○對○南○山○作○壽○杯○

除夕山中同立圃僑孫守歲

燈○光○香○氣○綠○尊○虛○此○夜○歡○呼○惜○臘○除○一○歲○春○王○元○起○始○
百○年○人○歷○古○稀○餘○寒○禽○聲○變○知○時○令○村○叟○占○農○問○曆○書○

遑事不堪彈指過○已將身世付蘧廬○
送臘徒勞賦子虛○殘年生計復何如○從前哀樂思無益○
見在韶華尚有餘○七聖珠迷求罔象○六鼇力竭化枯魚○
人間元會須臾事○豈必今宵是歲除○

己酉六月朔山中酌李立圃壽

問年知不惑○樂志見情偏○如此素心少○羨君聞道先○無
糧常自足○有酒卽陶然○林鳥來相祝○開尊作管絃○
莫惜杯中物○百年一醉間○神仙皆幻景○富貴苦癡頑○塵
海逃名久○勞山採藥還○華樓曾遯跡○頭白不離山○

共爾居山後○三年氣不孤○空林人跡少○酌酒得吾徒○地
震風雷動○天高鳥雀呼○餘年憑大化○老病感相扶○
處世嗟無友○歸山幸有鄰○漁樵甘避地○貧賤不驕人○草
木成靈藥○蜉蝣笑大椿○逃禪須縱酒○莫負白綸巾○
甲子須臾事○浮沉二氣中○人間無久視○天上苦難通○練
馬叅皆影○猶龍道亦空○舉杯嫌耳熱○一笑醉顏紅○
今年戒作詩○爲爾發幽思○煮酒堪相共○烹蔬幸不辭○黔
婁有賢婦○陶令愛癡兒○同樂兼同隱○常爲世外期○

山中懷李象先相期不至

相期來結夏夜雨隔千山有客難招飲無人許閉關著
書妨醉臥多事不如閒徙倚松溪路臨流策杖還
高士不耐靜名山好獨遊淮南叢桂遠幾日許攀留避
地思裴迪逢時愧馬周攤書猶有癖老至未能休

黃耳蕈

松林連夜雨陰壑暗生苔石菌蒸黃耳雲根結素胎呼
童荷鋪去鬪土抱筐來味比蹲鴟美邀朋待舉杯

悲來

每恨心難死三年苦憶兒夙緣翻自累大化竟何知汝

母生無計吾身盡有期艱危思往事灑淚不成詩
永訣留言切曾期夢裏回遊魂竟何往鬼伯不容來山
月空相照林鳥祇自哀莫教生化去冥會在泉臺

積雨

積雨宜高臥連陰未肯晴瀟瀟牕竹影汨汨野溪聲午
夢聞鶯破窮愁借酒平荒園蒿徑滿寂寞了餘生
風雨天難問浮沉一枕餘野場侵潦水煙火斷窮廬強
起行扶杖求眠臥聽書乾坤空震盪草木有安居

七戒咏

昔張有四愁杜有七哀或困阨而抒抑鬱之情或
流離而述窮愁之感元年逾古稀老而多難學
道未堅習氣不脫靜中生動妄想紛飛因作七
戒聊以自警云

我生行年七十一頭童齒落眼生翳拄杖人扶始下牀
步懶腰強喘無力平生學道若不深客念憧憧紛未息
吁嗟一戒兮歌莫哀拔劍擊柱悲復來人間萬事如死
灰

豎儒治身若不蚤白首窮經年已老小技雕蟲何足矜

驢背長安徒矯矯著書取謗身自災

天子赦之焚其稿吁嗟二戒兮莫好名李杜鮑庾皆虛聲

終與草木同枯榮

少愛名花老耽酒芙蓉脂肉如春柳鶴髮雞皮傾刻間
對面不堪成老醜耳聾尚想按紅牙眼暗未能離翠袖
吁嗟三戒兮悲愛河千秋白骨傷綺羅革囊謝盡禮維
摩

陶潛棄官飢驅去梅福逃名隱都市五侯七貴金如山
蒼狗白衣不可恃富貴於我如浮雲心計安知老將至

吁嗟四戒兮戒多求○短衣糲食號四休○達者不爲子孫謀○

千山萬松一茅屋○半枕羲皇午夢足○夢醒呼童急沽酒○聽水捫松混樵牧○跨石臨流架小亭○更向東籬種花竹○

吁嗟五戒兮戒好奇○一丘一壑足自怡○平泉花木皆情癡○

平生好事多蓄書○十年亂離成蠹魚○名畫墨帖盡汗裂○詩版經難皆爨餘○傷心閉目誰補綴○百年所愛將歸墟○吁嗟六戒兮戒癖好○鳥跡鴻章皆小草○敝帚千金何足

寶

二十五年經喪亂○浮海投荒苦奔竄○老去傷兒三泣麟○愁來哭弟兩分鴈○天崩地陷哀惇獨○夜半憂息淚如霰○吁嗟七戒兮戒多悲○已脩壽藏西山湄○及時快飲莫須追○

六月初六日陰雨至廿五日夜復大雨

去年此月地震

積晦靈霖亂沈寥○濃雲霾霧暗重霄○風雷再至天猶怒○陵谷將平地尚搖○亂水奔流漂宿莽○野煙迷路斷歸樵○幽人不識陰陽變○枕上傾杯一醉消○

去年此月象在坤土崩瓦解天地翻城郭千家戰雷火
蛟龍一夜凌崑崙巨靈劈山真宰泣鼯鼠觸柱懸河奔
相傳縮地將入海呼燈夜坐皆消魂

山中得龔大司馬手書兼惠瓊香

嶺南萬里產奇香薰馥何緣到草堂雞舌遠分司馬署
獸煙如近袞龍牀珠崖自貢薔薇露斗室飛來蒼葡萄
靜對垂簾堪危坐知余仙夢在枕櫛

自蒸爐煙向碧空瓊枝一縷出龍宮參禪禮佛宜高衲
試火調灰教小童三日堪招黃鶴舞經句如對紫芝叢

公字芝麓

欲求葛杖尋香去金水蒼崖有路通

曝舊書畫

舊帙名書積有年老來零落倍凄然昌黎畫去空存記
眎望食殘不作仙兵火每藏佛寺壁遠遊常附米家船
何須懷古憐真蹟應念形骸與化遷

桐花

小院桐陰滿清芬覆一庭暗香花纍纍晚色露泠泠
鳳何年至溪雲得暫停還期秋雨夜欹枕若爲聽

懷法穎本空二上人

東郡翻經去五年○竟未還○舊聞渡膠水○近說入勞山○杖
笠雲千頃○跣跌月一關○安心知了否○行脚不如閒○

送任少玉赴石樓宰

名宰觀新政○風流蒞郡初○喜無多賦稅○幸不廢詩書○地
僻民皆足○官閒樂有餘○空庭惟唳鶴○寒竈欲生魚○露冕
巡村隴○興文式士廬○堯天宜節儉○晉俗喜寬舒○竟日山
嵐對○經年案牘虛○可稱仙吏隱○佇見璽書除○甘雨隨行
帳○春風頌下車○汾陽歌卓異○海國仰簪裾○衰朽難爲別
誰當念櫟樗○

晚涼命酌村人送山鮓

晚涼初浴後○薄醉乍醒時○移席近青竹○開罇得素鬢○薰
風忽入座○明月正當籬○更報新醪熟○人生樂在茲○

戲贈秀亭醉僧

金粟如來是化形○逃禪求醉不求醒○三杯勝誦千聲佛○
百斗堪消一藏經○誰解吸糟尋彌勒○我能荷鉢訪劉伶○
不須更乞楊枝水○盡取甘醪入淨瓶○

七夕雷雨

烏鵲橋邊織女回○牛郎不渡漫驅雷○如今懶祈人間巧○

歲歲年年送拙來
倒捲銀河白浪飛
仙橋望斷幾時歸
如今天上文星暗
埋沒黃姑織錦機

夜雨獨坐

獨坐愁風雨悠悠造物心
陰陽天易變生化理難任
雷火低穿戶河聲響徹林
浮槎疑泛梗舉室坐啼泫
愁濕鶯無語啼飢雀有音
陽鳥何處隱大陸豈容沉
箕畢權雖重蛟龍法有禁
重乾方養魄大火破純陰
劫數無成毀安懷自古
今六齣詎覺蹙八柱尚森森

聖主民瘼切羣工帝力深
補天息煉石定海借神鍼
酒熟無人勸杯空且自斟

爲膠西冷徵君壽

海上僊人白鹿裘
東遊閬苑西崑丘
濁世不羨公與侯
手種若木膠東洲
煙中列岫如雲浮
扶桑日照蜃市樓
羨君逸氣空九州
欲釣巨鼈不可求
脫巾漉酒歌聲悠
下視齊煙如一漚
遣鶴招之從我遊
笙歌夜過西山頭
爲君海屋添絳籌

丘霞標隔山送山鮐魚

南溪秋水隔通津。家近僊山產異鱗。雪片亂翻雙網下，
銀絲堆滿一盤新。提攜遠使遺佳味，饜餚垂涎笑老人。
久欲開尊邀共醉，臨淵仍自羨波臣。

己酉仲秋

空庭碧篠露光滋。蟬咽鶯寒有所思。野瓠瓜藤猶上架，
山蠶榭葉半成絲。入愁喜臥知形憊，觸事興悲覺氣衰。
新黍登場村酒熟，閉門獨酌強裁詩。

寄石樓宰任少玉

古戍西風莫怨寒。石樓翠聳畫中看。民居岩室如麋鹿，

官署雲棲近鳳鸞。自有雄材能革俗，從無廉吏肯求安。
於今

聖主徵賢急，已見停車動地歡。

路入黃雲鳥道賒。懷人明月隔天涯。官閒讀史消長日，
政簡調琴散蚤衙。鄰國聞風多慕化，遠民感惠欲移家。
更憐幕閣容歌舞，勝種河陽滿縣花。

病中寄別龔大宗伯

萬事空無累人歸。太古時

聖恩還正寢。知己已多私。天地容高枕，山川隱秘詞。千秋

無定論冥報任何之

聽山亭草卷三終

